

FRJÁLSÍÞRÓTTASAMBAND ÍSLANDS

ÞINGGERÐ
53. FRJÁLSÍÞRÓTTAÞINGS



HALDIÐ Í GRAFARVOGI
5. OG 6. APRÍL 2002

53. FRJÁLSÍÞRÓTTAÞING
HALDIÐ Í GRAFARVOGI
5. OG 6. APRÍL 2002.

1. Þingsetning.

Jónas Egilsson, formaður FRÍ, bauð gesti og þingfulltrúa velkomna og ræddi um starf sambandsins síðastliðið ár. Hann rakti ástæðu þess að þingið er nú haldið í fyrsta sinn að vori til og hjarta framtíð í bættri aðstöðu innanhúss á næstu misserum. Þá kom hann inn á fjármál íþróttahreyfingarinnar og harðnandi samkeppni á þeim markaði, auknar kröfur sem gerðar eru til íþróttahreyfingarinnar og uppbyggingu íþróttamanvirkja á landsbyggðinni. Hann saknaði tillagna frá sambandsaðilum þar sem engar slíkar lægju fyrir þinginu og kom inn á samskipti FRÍ og sambandsaðila. Að því loknu setti Jónas 53. þing Frjálsíþróttasambands Íslands.

2. Kosning fastra starfsmanna þingsins

Formaður gerði tillögur um eftirfarandi sem starfsmenn þingsins og voru þeir samþykktir með lóaklappi:

Þingforsetar: Snorri Hjaltason og Magnús Stefánsson
Þingritarar: Hreinn Ólafsson og Sigurður Pétur Sigmundsson

Þingforseti tók við stjórn þingsins og frestaði næsta lið, Kosning nefnda þingsins, aftur fyrir liðinn Afhending heiðursviðurkenninga.

3. Ávörp gesta.

Ellert B. Schram forseti ÍSÍ fór lofsamlegum orðum um Umf. Fjölni og FRÍ. Hann kom í ávarpi sínu inn á ólympíufjölskylduna og samskipti við sérsambönd, rakti upphaf Kvennahlaupsins og Reykjavíkurmaraþons og tók undir sjónarmið um að FRÍ kæmi frekar að þessum verkefnum. Þá kom hann inn á árangur frjálsíþróttamanna á Smáþjóðaleikum ásamt því að ræða um þátttökukostnað og kröfur sem erfitt getur verið að uppfylla vegna fjárhagsvanda FRÍ. Að lokum færði forseti ÍSÍ bestu kveðjur frá framkvæmdastjórn ÍSÍ

Helga Guðjónsdóttir varaformaður UMFÍ lýsti yfir ánægju sinni með að vera komin í höfuðstöðvar Umf. Fjölnis, fjölmennasta ungmennafélags landsins, og færði viðstöddum kveðjur formanns, framkvæmdarstjóra og stjórnar UMFÍ. Hún þakkaði FRÍ ánægjulegt samstarf við uppbyggingu frjálsíþróttanna í landinu og á Landsmóti UMFÍ á Egilsstöðum síðastliðið sumar. Hún sagði frá því að næsta Landsmót verður haldið á Sauðárkróki árið 2004 og næsta Unglingalandsmót verður haldið í Stykkishólmi 2002, en þar verður í fyrsta skipti Íþróttabandalögum boðin þátttaka.



Að lokum þakkaði varaformaður UMFÍ fyrir sig með orðunum „Íslandi allt“

Snorri Hjaltason formaður Umf. Fjölnis sagðist vera hreykinn af því fyrir hönd Fjölnis að bjóða alla velkomna til þingsins og þakkaði FRÍ það traust sem það sýndi sínu félagi með því að halda þingið í Grafarvogi þar sem þetta er fyrsta sérsambandið sem leitar til þeirra í þessum efnum. Hann fór yfir starfsemi Frjálsíþróttadeildar Fjölnis og sagðist vera hreykinn af sínu fólki þó það væri kannski ekki í allra fremstu röð ennþá. Að lokum óskaði formaður Umf. Fjölnis þinginu alls hins besta.

3. Afhending heiðursviðurkenninga.

Jónas Egilsson formaður FRÍ og Dóra Gunnarsdóttir úr stjórn FRÍ veittu eftirtöldum starfsmerki FRÍ:

Eir: Hlynur Guðmundsson, Umf. Afturelding
Hreinn Ólafsson, Umf. Fjölnir
Ingveldur Ingibergsdóttir, UMSB
Jónína Ómarsdóttir, Umf. Fjölnir

Silfur: Katrín Sveinsdóttir, Ármann
Snorri Hjaltason, Umf. Fjölnir
Sigurður Magnússon, Umf. Akureyrar

Gull: Gísli Sigurðsson, UMSS
Íris Inga Grönfeldt, UMSB
Þorsteinn Þorsteinsson, FRÍ
Þórdís Gísladóttir, ÍR

Þá var Sveinn Sigmundsson, Ármanni, gerður að heiðursfélaga FRÍ.

5. Kvöldverður í boði Reykjavíkurborgar

6. Kosning nefnda þingsins.

Eftirtaldir þingfulltrúar voru kjörnir í þingnefndir:

Kjörbréfanefnd: Guðmundur Sigurðsson formaður, Engilbert Olgeirsson og Veronika Sigurvinsdóttir.

Alsherjarnefnd: Stefán Halldórsson formaður, Íris Grönfeldt, Magnús Haraldsson, Hreinn Halldórsson og Þórður Guðmundsson.

Laganefnd: Sigurður Haraldsson formaður, Rósa Marinósdóttir, Gunnar Páll Jóakimsson, Hlynur Guðmundsson og Sigþór Heimisson.

Fjárhagsnefnd: Felix Sigurðsson formaður, Hörður Sverrisson og Böðvar Sigurjónsson.



Þingforseti hvatti aðra þingfulltrúa til að taka þátt í starfi nefnda.

7. Skýrsla stjórnar fyrir starfstímabilið 2000-2001

Jónas Egilsson formaður FRÍ flutti skýrslu stjórnar. Hann fór yfir starfsemi FRÍ á síðastliðnu ári og einnig það sem er framundan á næsta ári. Hann kom inn á fjárhagstöðu sambandsins og sagði að hægar hefði gengið að draga úr skuldum en til hafi staðið. Erfitt væri að ná til aðila um gerð styrktarsamninga, en þó hafi verið gerður tímamótasamningur við Vífilfell hf., þá var gerður samningur við ÍT-ferðir um að skipuleggja allar utanlands-ferðir og búningasamningur við Prímo ehf. Hann kom einnig inn á samstarf við UMFÍ í verkefninu Fjör í frjálsum, helstu afrek, smáþjóðaleika og ferðakostnað tengdum þeim og að stefna sambandsins væri að komast upp um deild í Evrópubíkar innan tveggja til þriggja ára. Þá kom hann inn á bættu framkvæmd móta, dómaramál, lyfjamál, innlend og erlend samskipti og mikilvægi þeirra. Aðstöðumál væru eitt af stóru málunum sem sambandið þyrfti að beita sér fyrir en þó virtist sem bjart væri framundan í aðstöðumálum innanhúss. Að lokum taldi formaður að stjórnin hefði staðið sig þokkalega í fjármálum, umfjöllun um frjálsar hefði batnað og þakkaði síðan starfsmönnum sambandsins og fráfarandi stjórnarmönnum fyrir vel unnin störf.

Næstur tók til máls Birgir Guðjónsson og fór yfir breytingar á keppnisreglum sem samþykktar voru á þingi IAAF í Edmonton í ágúst 2001 og tóku flestar gildi í jan sl. sjá samantekt Birgis Guðjónssonar í viðauka nr. 4 við skýrslu stjórnar. Að lokum afhenti Birgir formanni FRÍ samantekt sína á tölvutæku formi.

8. Reikningar fyrir starfsárið 2000-2001.

Gunnlaugur Karlsson gjaldkeri FRÍ fór yfir ársreikninga sem voru lagðir fram í tvennu lagi þ.e. síðustu þrjú mánuðir ársins 2000 og síðan rekstrarárið 2001. Hann sagði að ýtrasta aðhalds hefði verið gætt en það dygði ekki til, margt gott gert kostaði peninga og að niðurstaða ársreikningsins væri ekki ásættanleg þar sem sambandið væri rekið með tapi. Hann sagði ennfremur að framlög og styrkir væru að þokast í rétta átt, en aftur á móti væru vaxtagjöld alltof há eða um 5 % af rekstrarkostnaði. Þá kom hann inn á samning við Samvinnuferðir - Landsýn sem varð gjaldþrota á síðasta ári og taldi að sá samningur myndi halda þannig að sambandið fengi engar frekari kröfur á sig vegna þess. Að lokum sagði Gunnlaugur að það yrði að gera sérstakt átak til að lækka skuldir sambandsins svo rekstur þess yrði auðveldari.

Umræður um skýrslu stjórnar og reikninga

Magnús Jakobsson þakkaði stjórn fyrir greinargóða skýrslu og óskaði þeim sem hlotið höfðu viðurkenningar til hamingu og nefndi sérstaklega Svein Sigmundsson. Magnús ræddi um framkvæmd móta og spurði um skýrslur eftirlitsdómara hvort þær ættu ekki að berast til mótshaldara? Einnig spurði hann stjórn hvort hún hefði einhverjar skýringar á lítilli umfjöllun fjölmiðla um frjálsar íþróttir sem hann taldi vera til skammar um þessar mundir.



Jónas Egilsson sagði að umfjöllun fjölmiðla undanfarið hefði komið honum á óvart. Hann hefði leitað skýringa og sæi bjartari tíma framundan í þessum efnum. Varðandi skýrslur eftirlitsdómara þá ættu þær að berast til mótshaldara og ef einhver misbrestur væri á því yrði því kippt í liðinn.

Engilbert Olgeirsson þakkaði stjórn gott samstarf fyrir hönd HSK, lýsti áhyggjum sínum yfir umfjöllum fjölmiðla á frjálsum íþróttum og taldi nauðsynlegt að styrkja heimasíðu FRÍ, gera hana að fréttasíðu og vitnaði í heimasíðu ÍSÍ. Hann taldi að vinna ætti úrslit móta beint inn á heimasíðuna og þar ætti að geyma grundvallaupplýsingar eins og væru t.d. á diskum Birgis Guðjónssonar um breytingar á reglum. Þá sagðist hann hafa séð tilkynningu um þingið á heimasíðu HSK en ekki FRÍ.

Jónas Egilsson sýndi hugmyndir að nýrri heimasíðu sambandsins og sagði það grundvallaratriði að hafa góða heimasíðu, en allt kostaði þetta peninga. Hann hvatti alla til að nota heimasíðu FRÍ.

Þorsteinn Þorsteinsson þakkaði stjórn gott samstarf, sem ekki væri lokið þótt hann gæfi ekki kost á sér til endurkjörs í stjórn. Hann kom inn á framkvæmd móta og taldi umgjörð móta hafa batnað og ekki ætti að vera mikill vandi að koma skýrslum eftirlitsdómara til mótshaldara. Hann taldi að umfjöllun fjölmiðla um frjálssar íþróttir væri ekki til sóma og að góð fréttasíða ásamt því að vinna úrslit móta beint inn á heimasíðu kostaði töluverða peninga sem ekki væru til. Að lokum þakkaði Þorsteinn samstarf á liðnum áratug.

Hlynur Guðmundsson lagði áherslu á að heimasíða sambandsins þyrfti að vera í fréttiformi og benti á tvær heimasíður sem fjölluðu um frjálssar þ.e. FH og UMSS. Hann kom einnig inn á tillögu Norðmanna að leggja niður lágmörk á MÍ og sagðist vera því algjörlega ósammála.

Gunnlaugur Karlson sagði frá umræðum á ráðstefnu í Prag um mótahald og nefndi sem dæmi. Hvernig fjölmiðlar geta gert leiðinlega grein skemmtilega. Þá kom hann með hugmynd að mótshaldarar skoði hvort ekki sé hægt að koma við einhverjum uppákomum til að lífga upp á mótin.

9. Kjörbréfanefnd skilar álit.

Guðmundur Sigurðsson formaður kjörbréfanefndar gerði grein fyrir störfum nefndarinnar og fór yfir þá fulltrúa sem tilgreindir höfðu verið á kjörbréfum. Alls bárust kjörbréf frá 8 sambandsaðilum. Formaður bar kjörbréf upp til samþykktar og voru þau samþykkt samhljóða.

Eftirtalin kjörbréf bárust, innan sviga fjöldi þingfulltrúa:



HSK (11)

Árný Ingvarsdóttir
Engilbert Olgeirsson
Olga Guðmundsdóttir
Helgi S. Haraldsson
Helga Guðjónsdóttir
Gunnlaugur Karlsson

UMSS (4)

Gísli Sigurðsson
Katrín Atladóttir

UMSB (5)

Íris Grönfeldt
Rósa Marinósdóttir
Sveinbjörg Stefánsdóttir
Veronika Sigurvinsdóttir

ÍBH (7)

Sigurður Haraldsson
Haraldur S. Magnússon
Þórarinn Sveinsson
Magnús Haraldsson
Sigurður Pétur Sigmundsson
Trausti Sveinbjörnsson

UMSK (6)

Hlynur Guðmundsson
Böðvar Örn Sigurjónsson
Ólöf Guðmundsdóttir
Þórður Guðmundsson
Hreinn Jónasson
Egill Eiðsson

ÍBR (9)

Stefán Halldórsson
Felix Sigurðsson
Gunnar Páll Jóakimsson
Hörður Sverrisson
Hreinn Ólafsson
Hákon Óli Guðmundsson
Stefán Jóhannsson
Guðmundur Helgason
Þráinn Hafsteinsson

ÍBA (2)

Sigurþór Heimisson
Freyr Ævarsson

UÍA (7)

Hreinn Halldórsson
Magnús Stefánsson

Reikningar bornir upp til samþykktar

Að lokinni afgreiðslu kjörbréfa bar þingforseti reikninga sambandsins upp til samþykktar og voru þeir samþykktir samhljóða.



10. Fjárhagsáætlun stjórnar til næstu tveggja ára.

Þingskjal 1. Tillaga að fjárhagsáætlun FRÍ fyrir árin 2002 og 2003

Tekjur	
Framlög og styrkir	
Íslensk getspá	3.588.000
Útbreiðslustyrkur ÍSÍ	1.080.000
Styrkir frá ÍSÍ	2.250.000
Afreksmannasjóður ÍSÍ	5.040.000
Endurgr. og styrkir IAAF	900.000
Endurgr. og styrkir EAA	2.960.000
Endurgr. félaga v / þátttöku í alþjóðamótum	504.000
Endurgr. frá íþróttafólki v. keppnisferða erlendis	564.000
Auglýsingatekjur og samstarfssamningar	5.750.000
Aðrar tekjur	1.695.000
Tekjur alls	24.331.000
Gjöld	
Almenn rekstrargjöld	
Launa- og verktakagreiðslur	3.779.000
Greiðslur til félaga og afreksmanna	4.140.000
Kostnaður v/ þátttöku í alþjóðamótum	5.638.000
Kostnaður v/ móta innanlands	600.000
Kostnaður v/ afreksstarfs	2.710.000
Fræðslu og útbreiðslustarf	4.110.000
Rekstur skrifstofu	1.850.000
Önnur gjöld	430.000
Rekstrargjöld alls	23.257.000
Fjármagnsliðir	
Fjármagnsliðir	948.000
Fjármagnsliðir alls	948.000
Rekstrargjöld m/ fjármagnsliðum alls	24.205.000
Afkoma af rekstri	
Tekjur alls	24.331.000
Rekstrargjöld fyrir fjármagnsliði	-23.202.000
Afkoma fyrir fjármagnsliði	1.074.000
Fjármagnsliðir	948.000
Afkoma eftir fjármagnsliði	126.000

Forsendur

Áætlun fyrir árið 2002 er byggð á rauntölum sl. árs, núverandi starfsemi og fyrirætlun fráfarandi stjórnar. Ljóst er hins vegar að stjórnin verður að bregðast við, eins og reynt hefur verið undanfarið, ef forsendur tekna breytast.

Fjárhagsáætlun fyrir árið 2003 getur ekki verið nema sem stefnumótandi samþykkt, þar sem of margir óvissuþættir eru til nákvæmrar áætlunargerðar. Hún miðast við sömu forsendur og áætlun fyrir yfirstandandi ár.

Fjárhagsnefnd beinir þeim tilmælum til stjórnar að leita leiða til þess að lækka skuldir sambandsins.



Gunnlaugur Karlsson fór yfir fjárhagsáætlun næstu tveggja ára og forsendur fyrir henni. Hann taldi enga bjartsýni varðandi tekjuhlið áætlunarinnar og tók fram að næsta stjórn þyrfti að gera sérstakt átak til að lækka langtímaskuldir sambandsins.

Engar umræður voru um tillöguna.

Þingskjal 1. var vísað til fjárhagsnefndar.

11. Tillögur að laga- og reglugerðabreytingum.

Þingskjal 2. Frumvarp til breytinga á lögum FRÍ

Frjálsíþróttábing haldið í Reykjavík 5.- 6. apríl 2002, samþykkir svohljóðandi breytingar á lögum FRÍ:

1.gr.

Breytt 3.gr. hljóðist svo:

Hlutverk FRÍ.

Hlutverk FRÍ er eftirfarandi:

1. Að hafa yfirstjórn allra frjálsíþróttamála á Íslandi.
2. Að vinna að eflingu frjálsíþróttanna í landinu, þar með talið afreksíþrótt, frjálsíþrótt unglinga, almennings- og viðavangshlaupa.
3. Að vinna að stofnun nýrra sérráða og efla á annan hátt viðkomandi sérgrein í landinu.
4. Að setja nauðsynleg lög, reglugerðir, reglur, löggilda dómara, ráðstafa landsmótum og staðfesta met.
5. Að vera fulltrúi íþróttagreinar sinnar gagnvart útlöndum og sjá um að reglur varðandi greinina séu í samræmi við alþjóðareglur.

Greinargerð með 1. gr.

Hér er lögð til breyting á 4. tl. Um er að ræða orðalagsbreytingu fremur en efnislega breytingu. Breytingunni er ætlað að leggja áherslu á að hlutverk FRÍ er m.a. að setja lög, reglugerðir og reglur um frjálsíþróttamál á Íslandi. Því er í stað orðsins reglur eins segir í núgildandi lögum lagt til að komi orðalagið lög, reglugerðir og reglur. Þetta er gert til samræmis þá þrískiptingu í lög, reglugerðir og reglur, sem gerð er grein fyrir í greinargerð með 3. gr. frumvarpsins, en sú grein fjallar um breytingar á 10. gr. laganna.

2.gr.

Breytt 8. gr. hljóðist svo:

Fulltrúar og atkvæðisréttur.

Á frjálsíþróttábinginu hafa fulltrúar einir atkvæðisrétt, en auk þeirra eiga rétt á þingsetu og hafa þar málfrelsi og tillögurétt:

1. Stjórn FRÍ, varastjórn og skoðunarmenn ársreikninga.
2. Framkæmdastjórn ÍSÍ.
3. Fastráðnir starfsmenn FRÍ og ÍSÍ.
4. Fulltrúar frjálsíþróttadómarafélaga.
5. Allir nefndarmenn FRÍ og trúnaðarmenn FRÍ í öðrum samtökum.



6. Forseti ÍSí og formaður UMFÍ.
7. Íþróttanefnd ríkisins.
8. Ævi- og heiðursfélagar FRÍ.
9. Fyrirverandi formenn FRÍ.

Aðeins sá, sem er í frjálsíþróttafélagi innan sérráðs eða héraðssambands, er kjörgengur fulltrúi á frjálsíþróttapingið.

Hver fulltrúi með atkvæðisrétt hefur eitt atkvæði.

Greinargerð með 2. gr.

Hér eru lagðar til breytingar sem að hluta til eru leiðréttingar á hugtökum og að hluta til breytingar sem til eru komnar vegna breytinga m.a. á lögum FRÍ. Í fyrsta lagi er lagt til að í stað orðsins sambandsstjórn ÍSí í 2. tl. 1. mgr. komi framkæmdastjórn ÍSí. Hér er því um breytingu á hugtakanotkun að ræða til samræmis við lög ÍSí. Þá er lagt til að 6 tl. núgildandi 1. mgr. verði felldur út þar sem ekki er lengur gert ráð fyrir frjálsíþróttadómstól heldur falla frjálsíþróttamál eftir atvikum undir dómstól ÍSí. Vegna þessa verða núverandi 7. til 9. tl. 1. mgr. hér eftir 6. til 8. tl.

Þá er lagt til að felld verði niður orðið Íþróttafulltrúi úr 8. tl. 1. mgr. gildandi laga, þar sem ekki er lengur starfandi íþróttafulltrúi ríkisins.

Loks er fyrirverandi formönnum bætt við þann lista sem boðið skal til þingsins.

3. gr.

Breytt 10. gr. hljóðist svo:

Störf frjálsíþróttapings.

Frjálsíþróttaping skal fjalla um eftirfarandi atriði:

1. Kosningu eftirfarandi þingnefnda:

- a. Kjörbréfanefndar.
- b. Fjárhagsnefndar.
- c. Laganefndar.
- d. Allsherjarnefndar.

2. Skýrslu fráfarandi stjórnar.

3. Ársreikninga FRÍ.

4. Fjárhagsáætlun stjórnar til næstu tveggja ára.

5. Tillögur að laga-, reglugerðar - og reglubreytingum.

6. Kosningu stjórnar FRÍ, varastjórnar, tveggja skoðunarmanna ársreikninga og tveggja til vara, fulltrúa á næsta reglulegt þing ÍSí í samræmi við lög ÍSí.

Þingið getur ákveðið með meirihluta atkvæða að skipa aðrar nefndir til að fjalla um einstök mál.

Kjörbréfanefnd skal skipuð þremur mönnum og er ritari stjórnar FRÍ sjálfkjörinn formaður hennar.

Aðrar nefndir skulu skipaðar fimm mönnum, en öðrum þingfulltrúum er heimilt að velja sér starfsnefndir.

Stjórn FRÍ setur nánari reglur um störf og dagskrá frjálsíþróttapings.

Greinargerð með 3. gr.

Hér eru lagðar til nokkar breytingar á reglum um störf frjálsíþróttapings. Þannig er lagt til að 5. tl. 1. mgr. verði breytt til að leggja áherslu á ákveðna þrískiptingu þeirra reglna sem gilda eiga um frjálsíþóttastarfið á hverjum tíma. Þannig telur stjórn FRÍ að eðlilegt sé að nota hugtökin lög, reglugerðir og reglur yfir þær reglur sem um frjálsíþróttir gilda á hverjum tíma. Þar sem telja verður að það skýri sig sjálf hvað í hugtakinu lög liggur er ekki ástæða til að fjalla frekar um það.

Hinsvegar er ástæða til að fjalla nokkuð um ástæðu þess að lagt er til að hugtökin reglugerð og reglur hafi ekki sama efnislega innihald. Þannig leggur stjórn til að reglugerðir skuli settar um einstök mót eða önnur þau atriði sem snúa að keppni í einstökum aldursflokkum frjálsíþróttar. Hér er um að ræða atburði og atriði sem ekki flokkast sem bein framkæmdaatriði og sem ekki er



jafnmikil ástæða til að breyta á milli þinga og kann að gilda um ýmsar aðrar framkvæmdareglur. Því má reikna með að það reyni minna á vald stjórnar til breytinga á reglugerðum á milli þinga en gildir um reglur um framkvæmdaatriði, þó svo stjórn hafi engu að síður slíkt vald, samanber 5.tl. 1. mgr. 15. gr. gildandi laga um FRÍ. Sem dæmi um reglugerðir má nefna reglugerð um Meistaramót Íslands, Bikarkeppni, reglur um aldursflokka.

Stjórn FRÍ leggur því til að kveðið verði á um eiginleg framkvæmdaatriði í reglum en ekki reglugerðum. Sem dæmi um slíkar reglur má nefna reglur um skiptingu styrkja, reglur um félagaskipti, reglur um skráningargjöld á mót, hlutverk fararstjóra o.s.frv.

Stjórn FRÍ telur mikilvægt að það liggi ljóst fyrir hvert eiginlegt vald stjórnar er á milli þinga til að setja reglur um framkvæmdaatriði sem haft geta t.d. fjárhagsleg áhrif á umhverfi frjálsíþróttá Íslandi. Til að leggja áherslu á þessa þrískiptingu milli laga, reglugerða og reglna er því lögð til breyting á 5. tl. 1. mgr. 10. gr. laganna. Þessi þrískipting og sú áhersla á að kveða skýrt á um vald stjórnar FRÍ kemur einnig fram í þeim breytingum sem lagðar eru til að gerðar verði á 15. gr. laganna, sjá umfjöllun um 7. gr. frumvarpsins hér á eftir.

Þar sem ekki er lengur starfræktur frjálsíþróttadómstóll FRÍ er lögð til breyting á 6. tl. 1. mgr. 10. gr. sem tekur tillit til þeirra breytinga. Ennfremur eru lagðar til orðalagsbreytingar á 6. tl. og eru „endurskoðendur“ nefndir „skoðunarmenn“, til aðgreiningar frá löggiltum endurskoðendum, þar sem hlutverk þeirra og staða er mismunandi. Þá er að auki lagt til að kosnir verði tveir varaskoðunarmenn. Loks er tilvitnun í ákv. grein laga ÍSÍ felld niður þannig að ekki verði sjálfkrafa þörf á að breyta lögum FRÍ, þó að lög ÍSÍ breytist.

Þá er einnig lögð til sú breyting á 4. mgr. 10. gr. að stjórn FRÍ setji nánari reglur um störf og dagskrá frjálsíþróttabætur. Hér er átt við rétt til að setja frekari reglur um framkvæmd frjálsíþróttabætur en ekki heimild til að breyta þeirri lögbundnu dagskrá þingsins sem kveðið er á um í 1. til 3. mgr. 10. gr.

4. gr.

Breytt 11. gr. hljóðist svo:

Kosningar til stjórnar og
fulltrúa á þing ÍSÍ og afgreiðslu almennra mála.

Kosningar á þinginu skulu vera leynilegar.

Kosning skal vera bundin.

Einfaldur meirihluti ræður úrslitum við afgreiðslu almennra mála og í kosningum.

Greinargerð með 4. gr.

Hér er lög til orðalagsbreyting til uppfyllingar gildandi lögum án þess að í því felist raunveruleg efnisleg breyting. Þannig er lagt til að í greininni komi skýrt fram að einfaldur meirihluti ráði úrslitum við afgreiðslu almennra mála á frjálsíþróttabætur. Sem dæmi um slík almenn mál má nefna afgreiðslu reikninga og breytingar á reglugerðum eða reglum FRÍ. Þó svo að ekki hafi verið tekið á þessu álitaefni í lögum FRÍ hefur þessi regla engu að síður verið í gildi þar sem fram kemur í gildandi 27. gr. laga FRÍ að ef ekki er samræmi milli laga FRÍ og laga ÍSÍ skuli lög ÍSÍ gilda. Hér er um orðalagabreytingu að ræða til samræmis við grein 25.3 e-lið í lögum ÍSÍ.



5. gr.

Breytt 12. gr. hljóðist svo:

Breytingar á lögum þessum.

Þessum lögum verður ekki breytt nema með samþykki 2/3 hluta atkvæða viðstaddra fulltrúa á frjálsíþróttabingi.

Greinargerð með 5. gr.

Hér er ekki um efnislega breytingu að ræða heldur aðeins breytingu á greinanúmeri laganna. Ástæða þessa er að það er eðlilegt að fjallað sé um þær kröfur til atkvæðamagns sem gerðar eru þegar breyta á lögum FRÍ í beinum tengslum við það ákvæði laganna þar sem fjallað er um atkvæðamagn sem þarf til breytinga á öðrum reglum og reglugerðum sem um frjálsíþróttastarfsemina gilda.

Gert er ráð fyrir breytingum á númeraröð laga FRÍ í samræmi við þessa gr.

6. gr.

Núverandi 14. gr. verði 15. gr. og hljóðist svo:

Skipan stjórnar.

Stjórn FRÍ skipa fimm manns sem kosnir eru á frjálsíþróttabingi. Kjósa skal fimm varamenn og skulu þeir taka sæti í aðalstjórn í sömu röð og þeir eru kosnir.

Skipan og hlutverk stjórnar skal vera eftirfarandi:

1. Formaður, sem kosinn er sérstaklega.
2. Aðrir stjórnarmenn skipta með sér verkum sem hér segir:
 - a. Tveir varaformenn.
 - b. Ritari.
 - c. Gjaldkeri, sem jafnframt er formaður fjárhagsnefndar.
3. Fimm varamenn.

Greinargerð með 6. gr.

Hér er um leiðréttingu að ræða en ekki efnislega breytingu frá gildandi lögum. Einnig er tekið fram að stjórn FRÍ skuli skipuð fimm mönnum. Síðan eru aðrir fimm varamenn kosnir og taka þeir sæti í stjórn í sömu röð og þeir eru kosnir, þ.e. eftir atkvæðafjölda eða röð á framboðslista.

Þá er lagt til að niður falli ákv. um verkaskiptingu varamanna sem er að finna í gildandi lögum. Ekki er talin ástæða til að binda hendur stjórnar við úthlutun verkefna eins og gert er. Ákvæði um skipun nefnda er að finna í núgildandi 17. gr. og eru þau að mestu efnislega óbreytt í 7. gr. frumvarpsins og í nýrri 16. gr. laga FRÍ.

7. gr.

Núverandi 15. gr. verði breytt 16. gr. hljóðist svo:

Hlutverk og verkefni stjórnar.

Hlutverk stjórnar FRÍ er eftirfarandi:

1. Að hafa yfirstjórn allra íslenskra frjálsíþróttamála milli frjálsíþróttabinga.
2. Að framkvæma ályktanir frjálsíþróttabingsins.
3. Að vinna að eflingu frjálsíþróttá í landinu.
4. Að annast erlend samskipti.
5. Að gefa út leikreglur og reglugerðir fyrir frjálsíþróttir, sem séu jafnan í samræmi við alþjóðareglur.
6. Að líta eftir því að lögum og reglugerðum FRÍ og Íþróttá- og Ólympíusambands Íslands sé fylgt.
7. Að gefa út aðrar reglur en falla undir 5. t.l. og varða frjálsíþróttamál á Íslandi.



8. Að úthluta þeim styrkjum frjálsíþróttu, sem FRÍ fær til umráða.

9. Önnur verkefni sem frjálsíþróttabæing ákveður með reglugerð eða reglum.

Þá skal stjórn FRÍ sinna eftirtöldum málaflokkum: Skráningu afreka, tæknimálum, lagamálum, öldungamálum, almenningsíþróttum, unglingamálum, fræðslu- og útbreiðslumálum

Stjórninni er heimilt að skipa nefndir til að sinna ofangreindum eða öðrum málum sem hún kys hverju sinni. Starfstímabil nefnda skal aldrei vera nema fram að næsta frjálsíþróttabæingi.

Greinargerð með 7. gr.

Þær breytingar sem hér eru lagðar til er ætlað að gera það skýrt og ótvírætt hvert valdsvið stjórnar FRÍ er á milli þinga. Um þetta valdsvið stjórnar FRÍ til að setja reglugerðir og reglur milli þinga hefur verið fjallað í greinargerð með 3. gr. Eins og þar kemur fram hefur stjórn FRÍ umboð til að setja t.d. framkvæmdareglur á milli FRÍ þinga sem haft geta fjárhagsleg áhrif á umhverfi frjálsra íþróttu á Íslandi. Það er mikilvægt að engin vafi leiki á því að stjórn FRÍ hafi slíkt umboð milli þinga enda má ljóst vera að stjórnin fer með yfirstjórn frjálsíþróttamála á Íslandi á milli frjálsíþróttabæinga.

Það getur verið nauðsynlegt fyrir stjórn að geta brugðist við þegar breytingar eru gerðar milli þinga á lagaumhverfi hreyfingarinnar. Sem dæmi þá verða lagðar fram tillögur á þingi ÍSÍ í vor, til breytinga á lyfjaákvæðum ÍSÍ, sem gera þær kröfur til sérsambanda að settar verði reglur um hverjar afleiðingar þær yrðu fyrir lið sem taka þátt í liðakeppni, t.d. Bikarkeppni, ef liðsmaður, einn eða fleiri, yrði dæmdur í bann fyrir notkun ólöglegra lyfja. Þessar breytingar gætu t.d. haft það í för með sér að heilt lið í Bikarkeppni FRÍ yrði dæmt úr leik ef einn liðsmaður þess yrði settur í keppnisbann vegna notkunar á ólöglegum lyfjum, þ.e. að dómstóllinn hefði engar reglur til að styðjast við, nema e.t.v. frá öðrum sérsamböndum. Slíkur úrskurður gæti gengið þvert á þær venjur sem tíðkast innan frjálsíþróttahreyfingarinnar, en ekki væri brugðist við með réttum hætti.

Til að leggja áherslu á þetta er því lagt til í 7. t. 14. gr. að komi bein heimild stjórnar til að setja slíkar framkvæmdareglugerðir. Vegna þessa verða tölulíðir 7. og 8. að t. 8. og 9. Þá er lögð til breyting á t. 8, sem verður t. 9, þess efnis að bætt er inn orðinu reglum. Þetta er gert til samræmis þeirri þrískiptingu í lög, reglugerðir og reglur, sem gerð er grein fyrir í greinargerð með 3. gr. frumvarpsins, en sú grein fjallar um breytingar á 10. gr. laganna.

Felld eru á brott ákv. um að stjórn FRÍ beri að tilkynna með hæfilegum fyrirvara um samskipti sín við útlönd, enda engin krafa um slíkt í lögum ÍSÍ.

Lögð er til orðalagsbreyting á ákvæðum í 3. og 4. mgr. sem er að finna í 1. ml. nógildandi 17. gr. en ekki efnisbreytingum. Í fyrsta lagi er stjórn heimilað en ekki ætlað að skipa í nefndir. Hér er því opnað fyrir þann möguleika að stjórnin sjálf taki einstök verkefni að sér, ef ekki finnst fólk til að sinna þessum verkefnum sem FRÍ er ætlað að sinna. Þá er „tæknimálum“ bætt inn hér, en ákv. um hana er að finna í gildandi 14. gr.

Þá eru felld niður ákvæði um erindisbréf þar sem gert er ráð fyrir að nefndir sambandsins starfi að stefnu sem hver stjórn vinnur að hverju sinni og afgreidd hefur verið á undangengnu Frjálsíþróttabæingi.

8. gr.

Nógildandi 16. gr. verði breytt 17. gr. og hljóðist svo:

Formaður FRÍ boðar stjórnarfundi og stjórnar þeim.

Til þess að ákvarðanir í málum, sem stjórnin fjallar um, séu gildar, þarf samþykki meirihluta stjórnarinnar.

Fundi í stjórninni skal halda reglulega, samkvæmt ákvörðun formanns.

Vararstjórnarmenn skulu einnig boðaðir á fundi með sama hætti.

Auk þess skal kalla saman stjórnarfundi, ef tveir eða fleiri stjórnarmenn óska þess.



Fundargerðir stjórnar skal senda sambandsaðilum eða birta með öðrum aðgengilegum hætti.

Greinargerð með 8. gr.

Hér er lagt til að næstsíðasta orðið í 2. ml. þ.e. „allrar“ falli á brott. Þetta er til að taka af öll tvímæli um að hér sé átt við aðalstjórn, en ekki aðal- og varastjórn. Einfaldan meirihluta skv. því mynda þír stjórnarmenn eða varamenn í forföllum aðalmanna.

9. gr.

Núgildandi 17. gr. falli brott:

Nefndir .

Stjórn FRÍ skipar Skáningsnefnd, Öldungaráð, Almenningsíþróttanefnd, Laganefnd, Unglinganefnd, og Fjárhagsnefnd.

Stjórninni er heimilt að skipa aðrar nefndir til einstakra verkefna hverju sinni. Starfstímabil nefnda skal aldrei vera nema fram að næsta Frjálsíþróttabingi.

Greinargerð með 9. gr.

Efnisákvæði þessarar greinar er flutt í 7. gr. frumvarpsins og í 16. gr. nýrra laga. Efnislegar skýringar er að finna með greinargerð 7. gr.

10. gr.

Eftirfarandi ákv. falli brott:

2. ml. 23. gr. en þar segir: „Stjórn FRÍ skal tilkynna framkvæmdastjórn ÍSÍ um staðfestingu meta jafnóðum.“

Greinargerð með 10. gr.

Engin ákvæði eru í lögum ÍSÍ um að tilkynna beri framkvæmdastjórn um staðfestingu meta. FRÍ fer með æsta vald í málefnum frjálsíþróttar hér á landi og hefur aðeins tilkynningarskyldu gagnvart IAAF um mál greinarinnar. Þá hefur ekki reynt á þennan bókstaf í mörg ár og ÍSÍ engar kröfur gert um lista yfir Íslandsmet og því engin fordæmi fyrir slíkri kvöð á hendur FRÍ.

11. gr.

Breytt 26. gr. hljóðist svo:

FRÍ lagt niður.

Tillögur um að leggja FRÍ niður má aðeins taka fyrir á lögsmætu frjálsíþróttabingi.

Til þess að samþykka þá tillögu þarf minnst 3/4 hluta atkvæða.

Hafi slík tillaga verið samþykkt, skal gera öllum sambandsaðilum grein fyrir henni í þingskýrslunni og skal stjórn FRÍ kalla til nýs þings. Með fulltrúakjöri sínu til þess þings taka aðilar afstöðu til tillögunnar.

Verði tillagan þá samþykkt aftur með 3/4 hluta atkvæða, er það fullgild ákvörðun um að leggja FRÍ niður.

Ákveður það þing síðan hvernig ráðstafa skuli eignum FRÍ, en þeim má aðeins verja til eflingar frjálsíþróttum í landinu.

Greinargerð með 11. gr.

Hér eru gerðar nokkrar orðlagsbreytingar við 3. mgr., en engar efnisbreytingar. Í 4. mgr. eru lagðar til breytingar, til skýringar og áherslu, að 3/4 hluta þurfi til á nýju þingi til að samþykka að FRÍ verði lagt niður.



Guðmundur Sigurðsson fór yfir tillögur að lagabreytingum og sagði að rauði þráðurinn í gegnum breytingarnar væri að skerpa á valdi stjórnar til að taka á málum sem upp kynnu að koma á milli þinga.

Umræður um tillögur að lagabreytingum.

Guðmundur Sigurðsson benti á atriði þar sem stjórn þyrfti að hafa heimild til að setja reglur t.d. vegna lyfjanotkunar vegna tilkomu á breyttum lögum ÍSÍ.

Birgir Guðjónsson talaði um reynslu sína af lyffjamálum, fór yfir ýmsar mismunandi reglur eftir íþróttagreinum og taldi að reglur varðandi lyfjanotkun frjálsíþróttamanna væru mjög skýrar..

Þingskjal 2. Frumvarp til breytinga á lögum FRÍ var vísað til laganefndar.

Þingskjal 3. Ályktun um breytingar á aldursákvæðum unglunga og breytingar á reglum um Meistaramót Íslands

Frjálsíþróttatæping, haldið í Grafarvogi, 5. og 6. apríl 2002, samþykkir að fela stjórn sambandsins að skipa nefnd til þess að gera breytingar á reglum sambandsins um Meistaramót Íslands. Þær breytingar miði að því að færa keppnisreglur um keppnisgreinar, aldursflokka, þyngdir áhaldar, vegalengdir o.s.frv. til samræmis við reglur á öðrum Norðurlöndum og á alþjóðlegum vettvangi, sbr. hjál. fskj.

Þá verði nefndinni einnig falið að gera tillögur til breytinga á reglugerð um MÍ innanhúss og færa til samræmis við reglugerð um MÍ utanhúss.

Stjórn falið að kynna niðurstöður nefndarinnar fyrir sambandsaðilum og senda til umsagnar eigi síðar en á fundi um mótamál í nóvember nk.

Gert er ráð fyrir að nýjar reglur taki gildi 1. janúar árið 2003.

Greinargerð

Vegna breytinga á keppnisreglum erlendis er lagt til að stjórn FRÍ verði falið að vinna að samsvarandi breytingum á reglum sambandsins.

Önnur Norðurlönd eru að færa sínar reglur til samræmis við það sem er að gerast á alþjóðlegum vettvangi og stefnt er að því að keppt verði skv. nýjum reglum á Norðurlandameistaramótunum frá og með árinu 2003. Þá eru haldin alþjóðleg meistaramót unglunga bæði Evrópu- og heimsmeistaramót. Því er nauðsynlegt að keppnisgreinar, áhöld og vegalengdir séu þær sömu fyrir íslenska unglunga og aðra.



Fylgiskjal með ályktunartillögu um breytingar á aldursákvæðum o.fl.

**Hugmynd um aldursflokkakerfi fyrir börn og unglingaflokka,
til samræmis við önnur Norðurlönd og reglur IAAF**

Utanhúss: 12-22 ára karlar.

	12 ára	13 ára	14 ára	15 ára	16-17 ára	18-19 ára	20-22 ára
80m	x	x					
100m			x	x	x	x	x
200m	x	x			x	x	x
300m			x	x			
400m					x	x	x
600m	x	x					
800m			x	x	x	x	x
1500m	x	x			x	x	x
2000m			x	x			
3000m					x		
5000m						x	x
1500m hi			x 76,2	x 76,2			
2000m hi					x 91,4	x 91,4	x 91,4
60m gr.	x76,2-7.65	x76,2-7.65					
100m gr.			x 84,0	x 84,0			
110m gr.					x91,4-8.90	x100,0	x106,7
300m gr.			x 76,2	x 76,2	x 84,0	x 91,4	
400m gr.							x 91,4
hástökk	x	x	x	x	x	x	x
stangarst.	x	x	x	x	x	x	x
langst.	x svæði	x svæði	x	x	x	x	x
þristökk	x svæði	x svæði	x	x	x	x	x
kúluvarp	x 3,0	x 3,0	x 4,0	x 4,0	x 5,0	x 6,25	x7,26
kringluk.	x 0,6	x 0,6	x 1,0	x 1,0	x 1,5	x 1,75	x 2,0
sleggjuk.	x 3,0	x 3,0	x 4,0	x 4,0	x 5,0	x 6,25	x 7,26
spjótk.	x 400	x 400	x 600	x 600	x 700	x 800	x 800
4x80m	x	x					
4x100m			x	x	x	x	x
1000m					x		
4x400m						x	x
3x600m	x	x					
3x800m			x	x	x	x	x

K22, Tugþraut. 100m-langst-kúluv.(7,26)-hást-400m-110m(106,7)-kringluk.(2,0)-stangarst.-spjótk.(800)-1500m.

K19, Tugþraut. 100m-langst-kúluv.(6,25)-hást-400m-110m(100,0)-kringluk.(1,75)-stangarst.-spjótk.(800)-1500m.

K17, Tugþraut. 110m gr.(91,4)-kringluk.(1.5)-stangarst.-spjótk.(700)-300m / 100m-langst.-kúluv.(5,0)-hást.-1000m.

K15, Áttþraut. 100m gr.(84,0)-kringluk.(1,0)-stangarst.-spjótk.(600) / langst.-kúluv.(4,0)-hást.-800m

K14, Áttþraut. 100m gr.(84,0)-kringluk.(1,0)-stangarst.-spjótk.(600) / langst.-kúluv.(4,0)-hást.-800m

K13, Fimmþraut. 60m gr.(76,2)-langst.(svæði)-boltak.(300)-hást.-600m

K12, Fimmþraut. 60m gr.(76,2)-langst.(svæði)-boltak.(300)-hást.-600m



Utanhúss: 12-22 ára konur.

	12 ára	13 ára	14 ára	15 ára	16-17 ára	18-19 ára	20-22 ára
80m	x	x					
100m			x	x	x	x	x
200m	x	x			x	x	x
300m			x	x			
400m					x	x	x
600m	x	x					
800m			x	x	x	x	x
1500m	x	x			x	x	x
2000m			x	x			
3000m					x	x	
5000m							x
1500m hi			x 76,2	x 76,2	x 76,2		
2000m hi						x 76,2	x 76,2
60m gr.	x 76,2	x 76,2					
80m gr.			x 76,2	x 76,2			
100m gr.					x 76,2	x 84,0	x 84,0
300m gr.			x 76,2	x 76,2	x 76,2	x 76,2	
400m gr.							x 76,2
hástökk	x	x	x	x	x	x	x
stangarst.	x	x	x	x	x	x	x
langst.	x svæði	x svæði	x	x	x	x	x
þrístökk	x svæði	x svæði	x	x	x	x	x
kúluvarp	x 2,0	x 2,0	x 3,0	x 3,0	x 3,0	x 4,0	x 4,0
kringkuk.	x 0,6	x 0,6	x 0,6	x 0,6	x 1,0	x 1,0	x 1,0
sleggjuk.	x 2,0	x 2,0	x 3,0	x 3,0	x 4,0	x 4,0	x 4,0
spjót.	x 400	x 400	x 400	x 400	x 600	x 600	x 600
4x80m	x	x					
4x100m			x	x	x	x	x
1000m					x	x	
4x400m							x
3x600m	x	x					
3x800m			x	x	x	x	x

O22, Fimmþraut: 60m gr.(84,0)-hástökk-kúluvarp(4,0) / langstökk-800m
O19, Fimmþraut: 60m gr.(84,0)-hástökk-kúluvarp(4,0) / langstökk-800m
O17, Fimmþraut: 60m gr.(76,2)-hástökk-kúluvarp(3,0) / langstökk-600m
O15, Fimmþraut: 60m gr.(76,2)-hástökk-kúluvarp(3,0) / langstökk-600m
O14, Fimmþraut: 60m gr.(76,2)-hástökk-kúluvarp(3,0) / langstökk-600m
O13, Fjórþraut: 60m gr.(76,2)-hástökk-langstökk(svæði)-kúluvarp(2,0)
O12, Fjórþraut: 60m gr.(76,2)-hástökk-langstökk(svæði)-kúluvarp(2,0)

**Innanhúss: 12-22 ára karlar (K).**

	12 ára	13 ára	14 ára	15 ára	16-17 ára	18-19 ára	20-22 ára
60m	x	x	x	x	x	x	x
200m	x	x	x	x			
400m					x	x	x
800m	x	x					
1000m			x	x			
1500m					x	x	x
60m gr.	x 76,2	x 76,2	x 84,0	x 84,0	x 91,4	x 100,0	x 106,7
hástökk	x	x	x	x	x	x	x
stangarst.	x	x	x	x	x	x	x
langstökk	x (svæði)	x (svæði)	x	x	x	x	x
þrístökk	x (svæði)	x (svæði)	x	x	x	x	x
kúluvarp	x 3,0	x 3,0	x 4,0	x 4,0	x 5,0	x 6,25	x 7,26

K22, Sjöpraut: 60m-langstökk-kúluvarp(7,26)-hástökk / 60m gr.(106,7)-stangarstökk-1000m
 K19, Sjöpraut: 60m-langstökk-kúluvarp(6,25)-hástökk / 60m gr.(100,0)-stangarstökk-1000m
 K17, Sjöpraut: 60m-stangarstökk-langstökk / 60m gr.(91,4)-hástökk-kúluvarp(5,0)-800m
 K15, Sjöpraut: 60m-stangarstökk-langstökk / 60m gr.(84,0)-hástökk-kúluvarp(4,0)-600m
 K14, Sjöpraut: 60m-stangarstökk-langstökk / 60m gr.(84,0)-hástökk-kúluvarp(4,0)-600m
 K13, Fjórpraut: 60m gr.(76,2)-langstökk(svæði)-kúluvarp(3,0)-hástökk
 K12, Fjórpraut: 60m gr.(76,2)-langstökk(svæði)-kúluvarp(3,0)-hástökk

Innanhúss: 12-22 ára konur (O).

	12 ára	13 ára	14 ára	15 ára	16-17 ára	18-19 ára	20-22 ára
60m	x	x	x	x	x	x	x
200m	x	x	x	x			
400m					x	x	x
800m	x	x					
1000m			x	x			
1500m					x	x	x
60m gr.	x 76,2	x 76,2	x 76,2	x 76,2	x 76,2	x 84,0	x 84,0
hástökk	x	x	x	x	x	x	x
stangarst.	x	x	x	x	x	x	x
langstökk	x (svæði)	x (svæði)	x	x	x	x	x
þrístökk	x (svæði)	x (svæði)	x	x	x	x	x
kúluvarp	x 2,0	x 2,0	x 3,0	x 3,0	x 3,0	x 4,0	x 4,0

O22, Fimmpraut: 60m gr.(84,0)-hástökk-kúluvarp(4,0) / langstökk-800m
 O19, Fimmpraut: 60m gr.(84,0)-hástökk-kúluvarp(4,0) / langstökk-800m
 O17, Fimmpraut: 60m gr.(76,2)-hástökk-kúluvarp(3,0) / langstökk-600m
 O15, Fimmpraut: 60m gr.(76,2)-hástökk-kúluvarp(3,0) / langstökk-600m
 O14, Fimmpraut: 60m gr.(76,2)-hástökk-kúluvarp(3,0) / langstökk-600m
 O13, Fjórpraut: 60m gr.(76,2)-hástökk-langstökk(svæði)-kúluvarp(2,0)
 O12, Fjórpraut: 60m gr.(76,2)-hástökk-langstökk(svæði)-kúluvarp(2,0)

Jón Þ. Heiðarsson talaði fyrir tillögunni og sagði að markmið með henni væri að samræma aldursflokka, þyngdir kastáhalda og hæðir grinda við reglur á alþjóðlegum vettvangi.

Engar umræður voru um tillöguna Þingskjali 3. var vísað til laganevndar.



Bingskjal 4. Mótaskrá FRÍ arið 2002

Dags.	Mót.	Staður:	Land
19.jan.	Héraðsmót HSK, fullorðinna	Laugarvatn	ISL
25-26.jan.	Mí í fjölþrautum (Fjölnir)	Reykjavík	ISL
26.jan.-02	Íþróttahátíð UMBS	Borgarnes	ISL
02.feb.	Unglingamót HSK 15-18 ára	Hvolsvöllur	ISL
09-10.feb.	Meistaramót Íslands (FH)	Hafnarfj./Reykjavík	ISL
16.feb.	Héraðsm. b. og ungl.HSP	Húsavík	ISL
17.feb.	Aldursfl.mót HSK 12-14 ára	Selfoss	ISL
23-24.feb.	Mí 15-22 ára (ÍR)	Reykjavík	ISL
01-03.mars	EM innanhúss	Vín	AUT
02-03.mars	Mí 12-14 ára (Á)	Reykjavík	ISL
09-10.mars	Stórmót ÍR	Reykjavík	ISL
09-10.mars	Vetrarkastmót EAA	Pula	CRO
16-17.mars	Mí Öldunga (Breiðabl.)	Kópav./Reykjavík	ISL
23-24.mars	HM í Víðavangshlaupum	Dublin	IRL
24. mars	Héraðsl. HSK 11 ára og y.	Þorlákshöfn	ISL
6.apríl	Héraðsmót UMBS	Borgarnes	ISL
13. apríl	Héraðsm. fullorðinna HSP	Laugar	ISL
13-16.maí	Grunnskólamót Reykjav.	Reykjavík	ISL
15.maí	Vormót UÍA	Egilsstaðir	ISL
17. maí	Vormót UMBS	Borgarnes	ISL
18. maí	Vormót FH	Hafnarfjörður	ISL
18. maí	Nordic 10 k	Espoo	FIN
23. maí	Vormót ÍR	Reykjavík	ISL
25.maí	Vormót UFA	Akureyri	ISL
25 maí	Coke mótaröð FH	Hafnarfjörður	ISL
01-02.jún.	Mí fyrri hluti (Fjölnir)	Reykjavík	ISL
08.jún.	Unglingamót Breiðabliks og Klæðningar, 16 ára og yngri.	Kópavogur	ISL
08.jún.	Kappamót Öldunga	Vestmannaeyjar	ISL
09.jún.	J.J. mót Ármanns	Reykjavík	ISL
13.jún.	Boðhlaup ÍR	Reykjavík	ISL
15.jún.	Coke mótaröð FH	Hafnarfjörður	ISL
18.jún.	Miðnætumót ÍR	Reykjavík	ISL
22-23.jún.	Evrópubíkarkeppni, 2.deild.	Tallin	EST
25-26.jún.	Héraðsmót UMBS	Borgarnesi	ISL
27.jún.	Kópavogssprettur 1	Kópavogi	ISL
28.jún.	Gullmót IAAF	Osló	NOR
29.jún.	Coke mótaröð FH	Hafnarfjörður	ISL
29-30.jún.	Evrópubíkarkeppni í fjölþr.	Maribor	SLO
28-30.jún.	Goggi galvaski	Mosfellsbær	ISL
04.júlí	Kvöldmót FH	Hafnarfjörður	ISL
05.júlí	Gullmót IAAF	París	FRA
07.júlí	EM í fjallahlaupi	Madeira	POR
12.júlí	Coke mótaröð FH	Hafnarfirði	ISL
12.júlí	Gullmót IAAF	Róm	ITA



13-14.	Sumarhátíð UÍA	Egilsstaðir	ISL
16-21.júlí	Heimsmeistaramót ungl.	Kingston	JAM
18.júlí	Kópavogssprettur 2	Kópavogi	ISL
19.júlí	Gullmót IAAF	Monakó	MON
20-21.júlí	MÍ 12-14 ára (UMSE / UFA)	Eyjafirði	ISL
20-21.júlí	MÍ 15-22 ára.(UMSB)	Borgarnes	ISL
27-28.júlí	MÍ aðalhluti (Breiðabl.)	Kópavogur	ISL
27-28.júlí	NM í U23 í fjölþrautum	Óákv.	DEN
02-04.ág.	Unglingalandsmót UMFÍ	Stykkishólmi	ISL
06-11.ág.	Evrópumeistaramót	Munchen	GER
08.ág.	Kópavogssprettur 3	Kópavogi	ISL
10-11.ág.	NM U21	Eskilstuna	SWE
10-11.ág.	MÍ Öldunga (HSK)	Laugarvatn	ISL
15-26.ág.	EM Öldunga	Potsdam	GER
16.ág.	Gullmót IAAF	Zurich	SWZ
16-17.ág.	Bikarkeppni FRÍ	Reykjavík	ISL
23.ág.	Coke mótaröð FH	Hafnarfjörður	ISL
24.ág.	Haustrmót UÍA	Egilsstaðir	ISL
24-25.ág.	Akureyrarmót UFA	Akureyri	ISL
24-25.ág.	Héraðsm. fullorðina HSP	Laugar	ISL
29.ág.	Kópavogssprettur 4	Kópavogi	ISL
30.ág.	Gullmót IAAF	Brussel	BEL
31-01.sept.	Bikarkeppni FRÍ í fjölþr. (UÍA)	Egilsstaðir	ISL
04.sept.	Boðhlaupssmót Breiðabl.	Kópavogi	ISL
06.sept.	Gullmót IAAF	Berlín	GER
07. sept.	Bikarkeppni FRÍ 16 ára (FH)	Hafnarfjörður	ISL
14.sept.	IAAF Grand Prix Final	París	FRA
05.okt.	Víðavangshlaup Íslands (Á)	Reykjavík	ISL
12.okt.	Kastþraut FH – Öldungar.	Hafnarfjörður	ISL
03.nóv.	NM í Víðavangshlaupi	Modum	NOR
17.nóv.	Stökk- og kastmót UFA	Akureyri	ISL
07.des.	Vígslumót UFA	Akureyri	ISL
08.des.	EM í Víðavangshlaupum	Medulin	CRO

Þorsteinn Þorsteinsson gerði grein fyrir tillögu að mótaskrá FRÍ fyrir árið 2002.

Umræður um tillögu að mótaskrá fyrir árið 2002.

Magnús Jakobsson sagðist hvergi sjá MÍ í hálfmaraþoni og búið væri að setja bikarkeppni FRÍ ofan í Reykjavíkumaraþon. Sagði það ekki góðan kost t.d. með samkeppni við fjölmiðla og óskaði eftir skýringum af hverju þetta hefði breyst frá fyrstu drögum af mótaskrá sem send hefði verið út. Hann sagði einnig að Reykjavíkumaraþon væru búðót fyrir félög og að honum sýndist að eingöngu væri verið að setja ofan í við Reykjavíkumaraþon.

Vésteinn Hafsteinsson vakti athygli á því að reiknað væri með að afreksfólkið okkar færi í æfingabúðir fyrir stórmót, því að það hefði gefið góðan árangur. Einungis væri vika frá MÍ aðalhluta fram að Evrópumeistaramótinu í Munchen sem væri of stutt, það þyrfti



lámarmark hálfan mánuð. Menn þyrftu að hafa þetta í huga við skipulagningu móta í framtíðinni.

Engilbert Olgeirsson tók undir orð Magnúsar og Vésteins og lagði til að umrædd mót yrði færð til. Einnig benti hann á að HSK ætti að sjá um MÍ-Öldunga á Laugarvatni 10-11 ágúst en völluminn væri upptekinn á þeim tíma og því þyrfti að færa mótið.

Haraldur Magnússon ryfjaði upp nokkur ár aftur í tímann þegar keppni í 800 m hlaupi fór fram í hálfleik á landsleikjum. Vildi hann endurvekja slíka viðburði og sagði það góða auglýsingu fyrir íþróttina. Hann sagði einnig að hver deild ætti að hafa sín lágmark og sem dæmi hefðu flestir af sínum efnilegustu frjálsíþróttamönnum byrjað sem skussar.

Þingskjal 4. var vísað til alsherjarnefndar.

Þingskjal 5. Drög að mótaskrá FRÍ 2003

Dags.	Mót.	Staður:	Mótsh.
01-02.feb.	MÍ í fjölþrautum	Reykjavík,	Ármann
08-09.feb.	Meistaramót Íslands	Kópavogur,	Breiðabl.
15.feb.	European Indoor Cup	Óstaðsett	
22-23.feb.	MÍ 15-22 ára.	Reykjavík,	Fjöltnir
02-03.mars	Vetrarkastmót Evrópu	Óstaðsett	
08-09.mars	Meistaramót Íslands 12-14 ára	Reykjavík,	ÍR
14-16.mars	HM innanhúss	Birmingham	GBR
15-16.mars	MÍ Öldunga	Hafnarfjörður,	FH
02-07.júní	Smáþjóðarleikar	Malta, MLT	
14-15.jún.	MÍ fyrri hluti	Laugarvatn,	HSK
21-22.jún.	Evrópubíkarkeppni landsliða	Óstaðsett	
05-06.júlí	Evrópubíkarkeppni í fjölþrautum	Óstaðsett	
10-13.júlí	HM unglínga U18	Sherbrooke,	CAN
12-13.júlí	MÍ 15-22 ára	Reykjavík,	Fjöltnir
17-20.júlí	EM U23	Óstaðsett	
24-27.júlí	EM U20	Tampere	FIN
24-27.júlí	Ólympíudagar æskunnar (EYOD)	Óstaðsett	
26-27.júlí	Meistaramót Íslands	Borgarnes	UMSB
09-10.ág.	MÍ 12-14 ára	Egilsstaðir	UÍA
16-17.ág.	Bíkarkeppni FRÍ	Óstaðsett	
22-23.ág.	MÍ Öldunga	Reykjavík	Ármann
23-31.ág.	HM	París	FRA
30-31.ág.	Bíkarkeppni FRÍ í fjölþrautum	Reykjavík	ÍR
06. sept.	Bíkarkeppni FRÍ 16 ára og y.	Kópavogur	Breiðabl.
04.okt.	Víðavangshlaup Ísl.	Eyjafirði	UMSE/UFA



Bingskjali 5. var vísað til alsherjarnefndar án umræðu.

Bingskjali 6. Áætlun um mótahald fyrir tímabilið 2000 til 2006

Hér á fyrir neðan eru tillögur um skipulagt mótahald næstu árin. Það hafa verið gerðar breytingar síðan á þinginu 1998, þar má telja að mótum hefur verið fjölgað í töflunni og skipulagið yfirfarið. Áætlun þessi var kynnt á fundi í nóv. sl. með sambandsaðilum og er óbreytt frá þeim fundi. Miðað er við að áætlunin sé bindandi fyrir árin 2002 og 2003, en til viðmiðunar næstu ár á eftir.

A. Meistaramót Íslands, innanhúss tímabilið 2000-2006*

MÓT	2000	2001	2002	2003	2004	2005	2006
MÍ aðalhluti	Ármann	ÍR	Fjöltnir	UBK	FH	Ármann	ÍR
MÍ 15 - 22 ára	FH	Ármann	ÍR	Fjöltnir	UBK	FH	Ármann
MÍ 12 - 14 ára	UBK	FH	Ármann	ÍR	Fjöltnir	UBK	FH
MÍ fjölþraut	ÍR	UBK	FH	Ármann	ÍR	Fjöltnir	UBK
MÍ öldunga		Fjöltnir	UBK	FH	Ármann	ÍR	Fjöltnir

B. Meistaramót Íslands, utanhúss tímabilið 2000-2006

MÓT	2000	2001	2002	2003	2004	2005	2006
MÍ aðalhluti	ÍR	FH	UBK	UMSB	Fjöltnir	HSK	Ármann
Bikarkeppni 16 o. y. Fjöltnir		ÍR	FH	UBK		UMSB	Fjöltnir
HVÍLD	UFA+Ey	UÍA	ÍR	FH		UBK	UMSB
Bikarkeppni þraut	Fjöltnir						
MÍ 12-14 ára	Ármann	UFA+Ey	UÍA	ÍR	FH	UBK	UMSB
Víðavangshl. Ísl	HSK	Ármann	UFA+Ey	UÍA	ÍR	FH	UBK
MÍ Öldunga	Fjöltnir	HSK	Ármann	UFA+Ey	UÍA	ÍR	FH
MÍ fyrri hluti	FH	Fjöltnir	HSK	Ármann	UFA+Ey	UÍA	ÍR
MÍ 15-22 ára	UMSB	Fjöltnir	HSK	Ármann	UFA+Ey	UÍA	
	UMFA	UBK	UMSB	Fjöltnir	HSK	Ármann	
	UFA+Eyf.						

**Þessi áætlun gæti tekið breytingum með hliðsjón af aðstöðumálum, en nú er í byggingu aðstaða í Kópavogi og skv. áætlunum getur frjálsíþróttahús í Laugardal verið komið í notkun haustið 2003.*

Bingskjali 6. var vísað til alsherjarnefndar án umræðu.



Þingskjal 7. Tillaga að reglugerð um umsókn vegna mótahalds

53. þing FRÍ, haldið í Grafarvogi 5. og 6. apríl 2002, samþykktir svohljóðandi reglugerð um umsókn um mótahald í frjálsíþróttum:

1. gr.

Til að árangur á frjálsíþróttamóti fái stundir skal væntanlegur mótshaldari sækja um til FRÍ með að minnsta kosti 14 daga fyrirvara um leyfi fyrir mótahaldi.

Í umsókn skulu koma fram eftirfarandi atriði:

1. Dagsetning mótsins og staðsetning, þ.e. á hvaða velli og sveitarfélag.
2. Nafn mótins, eða hvað það er nefnt og þess sambandsaðila sem ber ábyrgð á mótinu.
3. Nafn, símanúmer og aðrar nauðsynlegar upplýsingar um mótsstjóra.
4. Nafn yfirdómara.
5. Keppnisgreinar, skipt eftir flokkum og kyni.
6. Skráningarfrestur og skráningargjald ef slíkt er um að ræða og hvert skal senda skráningar.

2. gr.

Tilkynning þessi er forsenda þess að árangur á móti eða keppni fái stundir.

Ekki þarf að sækja um mót sem haldið er á vegum FRÍ, þ.e. meistaramót eða bikarkeppni og tilgreind eru í reglugerð um Mót á vegum FRÍ. Þó skal sækja um heimild fyrir keppni í greinum sem ekki tilheyra fyrrgreindri reglugerð.

Heimild fyrir mótahaldi skal veitt að uppfylltum skilyrðum skv. 1. gr. og að farið sé eftir leiðbeiningum skv. 3. gr.

3. gr.

Umsóknarfrestur um sérmót, þ.e. mót sem ekki er auglýst í mótaskrá og ekki er innheimt skráningargjald, skal vera fimm dagar. Á sérmóti skal minnst keppt í tveimur keppnisgreinum og skulu a.m.k. þrjú keppendur hefja keppni í hverri grein. Hámarksfjöldi keppnisgreina á sérmóti eru átta, þ.e. fjórar karla- og fjórar kvennagreinar. Eigi er sambandsaðila heimilt að halda fleiri en eitt sérmót á dag.

Um auka- eða viðbótagreinar á mót skv. 1. gr. gilda ákv. og í 1. mgr. þessarar gr.

Að öðru leyti gilda ákv. þessarar reglugerðar.

4. gr.

FRÍ skal leggja til sérstök eyðublöð vegna umsóknar um mótahald. Þar skulu koma fram eftirtalin atriði auk þeirra sem talin eru upp í 1. gr.:

1. Leiðbeiningar um skil á úrslitum, sem skulu undirrituð af mótsstjóra eða yfirdómara.
2. Leiðbeiningar um mótahald og hvert er hægt að leita eftir aðstoð um framkvæmd mótahalds, sé þess óskað.
3. Leiðbeiningar um umsókn á metum, hvort sem um er að ræða aldursflokkamet, Íslandsmet eða alþjóðlegt met.
4. Leiðbeiningum hvernig má standa að kynningu móta í fjölmiðlum og upplýsingum hvert hægt sé að senda úrslit til kynningar.

Þá skal FRÍ leggja til lista yfir viðurkennda dómara sem er aðgengilegur fyrir mótshaldara.

5. gr.

Reglur þessar gilda um öll mót sem haldin eru á sviði frjálsíþróttar og haldin eru hér á landi, hvort sem um er að ræða mót innan eða utan vallar, götuhlaupa, fjallahlaupa eða víðavangshlaupa.



Endurnýja skal umsókn árlega fyrir mót sem haldin eru hvert ár.

Heimilt er að sækja um í röð móta sem haldin eru á árinu, enda sé sami aðili sem sér um framkvæmd og ber ábyrgð á framkvæmdinni.

Reglugerð þessi tekur gildi frá og með 1. janúar 2003 og nær til allra móta sem haldin eru frá þeim degi.

Greinargerð

Markmiðið með þessari tillögu er að gefa FRÍ betri sýn yfir þau mót sem haldin eru innan hreyfingarinnar og auðvelda mótshöldurum að framkvæma mót og leiðbeina þeim eftir þörfum. Með þessum reglum er ekki verið að banna einum eða neinum að halda mót. Hér er einungis verið að taka það fram að árangur fái ekki viðurkenndur af FRÍ, nema að sambandið hafi haft tækifæri til þess að fullvissa sig um að árangri sé náð með fullkomlega löglegum hætti.

Ennfremur getur það hvorki verið eðlilegt né á að vera heimilt fyrir hvern sem er að halda mót án þess að uppfylla lágmarksskilyrði til mótahalds í frjálsíþróttum. Að halda mót er mikil ábyrgð gagnvart íþróttamönnunum og íþróttahreyfingunni. Það er ótvírætt hlutverk FRÍ að fylgjast með að farið sé að settum reglum og staðfesta árangur. FRÍ ábyrgist árangur á frjálsíþróttamótum gagnvart IAAF, ÍSÍ og íþróttamönnunum sjálfum. Því er sambandinu nauðsynlegt að geta treyst því að ákvæði í keppnisreglum IAAF, FRÍ og ÍSÍ séu uppfyllt.

Tekið er mið af reglum um Sérsmót FRÍ í 3. gr. frá 1990 með síðari breytingum. Gert er ráð fyrir að sú reglugerð falli úr gildi við samþykkt þessarar reglugerðar.

Ekki er gert ráð fyrir því að þessi umsókn verði innt af hendi gegn gjaldi, enda hefur FRÍ tekjur af skráningargjöldum af mótum sem haldin eru á þess vegum.

Þorsteinn Þorsteinsson talaði fyrir tillögunni og sagði megin markmið hennar að koma mótahaldi í fastara form og gera mótin boðlegri bæði fyrir keppendur og áhorfendur.

Sigurður Haraldsson spurði hvort árangur á sérsmótum teldist ekki viðurkenndur þar sem í 1. grein segir að til að árangur fái viðurkenndur skuli sækja um mót til FRÍ með 14 daga fyrirvara en í 3. grein segir að umsóknarfrestur um sérsmót skuli vera 5 dagar. Svarið var úr sæti jú.

Þingskjali 7. var vísað til laganefndar.

Þingskjal 8. Tillaga að reglum um námskeiðahald vegna mótahalds og dómgæslu í frjálsíþróttum.

53. þing FRÍ, haldið í Grafarvogi 5. og 6. apríl 2002, samþykktir svohljóðandi tillögu um fyrirkomulag námskeiðahalds á vegum sambandsins varðandi frjálsíþróttadómara, mótahald o.fl.

A. Dómaranámskeið

- **DI Aðstoðardómaranámskeið.** Innihald námskeiðs sé einhver þriggja sérgreina, hlaup, stökk eða köst auk almenns hluta um dómstörf á frjálsíþróttamótum.
Tímalengd: 3 klst og próf.
- **DII Landsdómaranámskeið.** Farið verði yfir allar sérgreinar auk almenns hluta um dómstörf á frjálsíþróttamótum, þ.m.t. reglur um auglýsingar. Landsdómari geti verið greinastjóri og eftir



ákveðinn reynslutíma yfirdómari á mótum á vegum FRÍ.
Tímalengd: 8 klst og próf.

- **DIII Upprifjunarnámskeið landsdómara.** Farið verði yfir allar nýjar reglur, sem komið hafa frá síðustu útgáfu handbókar. Námskeið verði haldin á vorin þegar ný handbók hefur komið út á íslensku.
Tímalengd: 2 klst.

B. Námskeið um mótahald

- **MI Námskeið fyrir þá sem hafa landsdómararéttindi.** Farið yfir hagnýta hluti varðandi mótahald, s.s. auglýsingar, tilkynningar, mannahald, skráningar, gerð leikskrár, tæknifundi, gerð tímaseðils, áhöld og vinnsla úrslita. Skilyrði fyrir löglegum árangri, lyfjaeftirlit o.fl.
Tímalengd: 4 klst.
- **MII Námskeið fyrir þá sem ekki hafa landsdómararéttindi.** Farið verður yfir sömu atriði og í MI en að auki verði farið yfir helstu leikreglur.
Tímalengd: 8 klst.

C. Mælingar á íþróttavöllum

- **UI Uppmæling:** Kastgeirar og hlaupabrautir; staðsetning grinda og keila á hlaupabrautum; rafrænar mælingar vegalengda; mælingar áhalda.

Þorsteinn Þorsteinsson talaði fyrir tillögunni og sagði megin markmið hennar vera betra og öruggara mótahald.

Engar umræður voru um tillöguna.

Þingskjali 8. vísað til laganefndar

Þingskjal 9. Tillaga um aðild að alþjóðlegum samtökum

53. þing FRÍ, haldið í Grafarvogi 5. og 6. apríl 2002, felur stjórn FRÍ að sækja um aðild að eftirtöldum samtökum:

1. Alþjóða fjallahlaupasambandinu (World Mountain Running Association, skammst. WMRA),
2. Alþjóðlegu ofurhlaupararsamtökunum (International Association of Ultrarunners, skammst. IAU).
3. Alþjóðlega maraþonhlaupasambandinu (Association of International Marathons and Road Races, skammst. AIMS).
4. Alþjóðlegum samtökum öldunga (World Masters Athletics WMA, áður WAVA).

Greinargerð

Ofangreind samtök fara með yfirumsjón og/eða framkvæmd keppni og/eða keppnisgreina hvert á sínu sviði. Þau hafa formleg tengsl við bæði Alþjóðafrjálsíþróttasambandið (IAAF) og Frjálsíþróttasamband Evrópu (EAA). Fulltrúar þessara samtaka sitja fundi bæði IAAF og EAA og eru hluti af frjálsíþróttafjölskyldunni á alþjóðlegum vettvangi. Hér er því um keppnisgreinar í frjálsíþróttum að ræða eða greinar sem ekki eru innan annarra sérsambanda.

AIMS er viðurkennt af IAAF sem umsjónaraðili með götuhlaupum um allan heim, þ.m.t. Reykjavíkumaraþoni. Eðlilegt verður að telja að fleiri götuhlaup geti hlotið viðurkenningu



AIMS og því rökrétt að FRÍ hafi þessi mál á sínum höndum þar sem um keppnisgrein í frjálsíþróttum er að ræða.

Í ár verður viðurkennt að hálfu EAA Evrópumeistaramót í fjallahlaupum sem skipulagt er af WMRA og hefur FRÍ verið boðin aðild að samtökunum og senda keppendur til þátttöku í þessu móti.

Þá eru til áhugasamir Íslendingar sem keppa í sérstaklega löngum hlaupum, sem skipulögð eru af IAU og eðlilegt að árangur þeirra verði viðurkenndur eins og árangur annarra í hlaupum utan brautar.

Á fundi með fulltrúum öldungaráðs FRÍ sl. haust varð að samkomulagi að skrifstofa FRÍ tæki að sér umsjón með öldungastarfinu og er aðild að WMA liður FRÍ í að auka og bæta tengsl við öldunga á erlendri grundu.

Skilgreining frjálsíþróttar takmarkast ekki lengur við brautarhlaup, stökk og köst. Sífellt algengara er að einstaklingar sækja á ný mið, sérstaklega þar sem fólk hleypur mun lengur en áður var, helst alla ævi. Markmið með aðild að þessum samökum er að fylgja þróuninni

Ekki er gert ráð fyrir kostnaði samfara aðild að þessum samtökum, að frátöldu árgjaldi sem nemur um kr. 10-15 þús. á samtök.

Jónas Egilsson talaði fyrir tillögunni.

Umræður um tillöguna:

Magnús Jakobsson taldi mjög hæpið að tveir aðila hér á landi geti orðið aðilar að þessum samtökum og spurði hvort Reykjavíkumaraþon þyrfti þá að vikja?

Jónas Egilsson sagði að fleiri en einn aðili geti verið að samtökunum og að einungis væri einn aðila að hverju hlaupi. Þetta væri ekki gert til höfuðs Reykjavíkumaraþon, heldur til að aðilar eins og t.d. Mývatnsmaraþon geti fengið viðurkenningu.

Þingskjali 9. vísað til alsherjanefndar.

Þingskjal 10. Ályktun um almenningsíþróttir

53. þing FRÍ, haldið í Grafarvogi 5. og 6. apríl 2002, hvetur sambandsaðila sína til að sinna almenningsíþróttum í samræmi við hlutverk og lög FRÍ. Hvatt er til að hvert félag, bandalag og héðráðssamband sinni þessum málaflokki hvert á sínu félagssvæði m.a. með eftirtöldum leiðum:

1. Þjóða upp á fjölbreytt barna- og unglíngastarf í samstarfi við skóla og aðrar íþróttagreinar í samræmi við stefnu ÍSÍ.
2. Nýta verkefnið „Fjör í frjálsum“ fyrir alla aldurshópa.
3. Taka virkan þátt í verkefni ÍSÍ, „Ísland á iði“, eftir því sem það verkefni verður skilgreint og skipulagt nánar.
4. Auka fjölbreytni í almenningsíþróttum (sem hingað til hafa nær eingöngu verið svokölluð almenningshlaup), m.a. með því að þjóða upp á „kraftgöngu“, fjallahlaup, fjallgöngur og meiri fjölbreytileika í sveitakeppnum í hlaupum, göngum og fleiri greinum frjálsíþróttar svo nokkur dæmi séu nefnd.

Greinagerð

Vaxandi heilsufarsvandamál er hreyfingarleysi almennings. Hreyfing er ein besta forvörn gegn margvíslegum heilsufarslegum vandamálum eins og depurð, offitu, sykursýki og beinþynningu. Þessi heilsufarsvandamál eru í vaxandi mæli að hrjá Íslendinga eins og önnur vestræn þjóðfélög. Hér hefur



Íþróttahreyfingin hlutverki að gegna. Með því að sinna þessu hlutverki sínu mun frjálsíþróttahreyfingin breikka iðkendahóp sinn og styrkja frekar annað starf innan hreyfingarinnar.

Hér er m.a. verið að benda á að ganga flokkast sem frjálsíþróttir og mætti nýta til að auka fjölbreytni í því sem boðið er upp á í almenningsíþróttum. Ekki er verið hér að leggja til að tekin verði upp ganga sem keppnisgrein eftir ströngustu reglum heldur frekar að þátttaka sé aðalatriðið en ekki keppni. E.t.v. má hugsa þennan valkost frekar fyrir þá sem eru að hefja líkamsrækt eða styttra eru komnir og eldri borgara.

Þórarinn Sveinsson sagði að tillagan væri til að minna á að FRÍ hefur ekki bara skuldbindingar gagnvart afreksíþróttum heldur einnig til almenningsíþróttar og auka fjölbreytni þeirra.

Engar umræður voru um tillöguna

Þingskjali 10. var vísað til alsherjanefndar.

Þingskjal 11. Ályktun um kynningar- og útbreiðsluáætlun

53. þing FRÍ, haldið í Grafarvogi 5. og 6. apríl 2002, samþykkir að fela stjórn að skipuleggja og framkvæma áætlun um kynningu og útbreiðslu frjálsíþróttar í landinu. Áætlunin skal unnin í samráði við önnur samtök, eftir því sem við á hverju sinni, t.d. UMFÍ, ÍKÍ og önnur sérsambönd.

Einnig skal leita samráðs við stjórnvöld og sveitastjórnir í hverjum landshluta.

Markmiðið með þessari áætlun er að auka útbreiðslu íþróttarinnar, fjölga þeim sem standa bak við íþróttamennina, auka þjálfaramenntun, stefna að bættri aðstöðu, áframhaldandi umbótum í framkvæmd móta og menntun dómara.

Markmið verði að byggja upp íþróttar- og æskulýðsstarf sem víðast um landið. Samdráttur, sem verið hefur undanfarin ár í þátttöku barna- og unglunga í íþróttar- og æskulýðsstarfi, kallar á áttak í uppbyggingu og útbreiðslu þess. Samstillt áttak nokkurra aðila þarf til þess að ná þessu marki.

Stjórn FRÍ er falið að tryggja verkefninu fjárhagslegan grundvöll og hrinda því í framkvæmd.

Greinargerð

Gert er ráð fyrir að kynningar- og útbreiðsluáætlunin verði unnin skv. hjál. áætlun:

Kynningar- og útbreiðsluáætlun FRÍ

Áætlun þessi er hluti af fræðslu- og útbreiðsluáætlun FRÍ. Áætlunin skiptist í eftirtalda hluta:

1. Stjórnunar- og leiðtoganámskeið.
2. Fræðsla og umræða um aðstöðu- og áhaldamál.
3. Fræðsla meðal barna og unglunga, þ.m.t. fjör í frjálsum.
4. Þjálfaranámskeið.
5. Dómara- og mótahaldsnámskeið.

Þjálfaranámskeið, námskeið fyrir dómara og í mótahaldi verða að mestu leyti á vegum Fræðslunefndar og Tækninefndar FRÍ. Leita þarf til annarra aðila eftir samstarfi um stjórnunar- og leiðtogafræðslunnar sem og með fræðslu meðal barna og unglunga.



Í þessar greinargerð er fjallað um þau atriði sem leitað verður samstarfs við UMFÍ um, þ.e. liði 1, 2 og 3 hér að ofan.

A) MARKMIÐ

Markmið verði að byggja upp íþrótta- og æskulýðsstarf sem víðast um landið. Samdráttur, sem verið hefur undanfarin ár í þátttöku barna- og unglinga í íþrótta- og æskulýðsstarfi, kallar á átak í uppbyggingu og útbreiðslu þess. Samstillt átak nokkurra aðila þarf til þess að ná þessu marki.

Einnig í ljósi þess að kyrrseta og hreyfingarleysi er að verða eitt stærsta heilbrigðisvandamál landsins er nauðsynlegt að gera breytingar þar á. Þessu markmiði verður skipt upp í þrjú undirmarkmið:

- 1) Markmið að auka framboð á leiðtogum og þjálfurum sem víðast á landinu.
- 2) Markmið að skapa að minnsta kosti viðunandi aðstöðu til æfinga sem víðast á landinu utanhúss, innanhúss og til kennslu í grunnskólum.
- 3) Markmið að kynna alhliða íþrótt sem hentar vel ólíkum aðstæðum og misstórum hópum og aldurshópum.

B) LEIÐIR AÐ MARKMIÐUNUM

Markmiðunum þremur verður hverju fyrir sig náð með eftirfarandi leiðum:

- 1) Með því að fá fólk og mennta það og þjálfara til starfa við þjálfun og leiðtogastörf í héraði og byggja upp íþróttastarf á hverjum stað.
- 2) Með því að setja fram viðmiðanir og skilgreina þörf á aðstöðu, áhöldum og búnaði í hverju sveitarfélagi og í hverju héraði á landinu.
- 3) Með því að kynna *Fjör í frjálsum* sem alhliða uppbyggingaríþrótt fyrir börn og unglinga, hvort sem er fyrir frjálsíþróttir eða aðrar íþróttagreinar, sem hver og einn kann að hafa hug á að leggja stund á síðar.

Verkefnið er þrjúþætt og er farið yfir helstu atriði hvers þáttar hér á eftir. Skoða þarf betur tímasetningu einstakra liða, en þó er ljóst að vinna verður að öllum fjórum þáttum verkefnisins á sama tíma

C) LEIÐTOGAFRÆÐSLA OG ÚTBREIÐSLA

- 1) Stefnt verði að því að fá þjálfara til eftirlits og til þess að hafa umjón með starfinu á einstökum stöðum, héruðum eða svæðum.
- 2) Boðið verði upp á leiðtoganámskeið fyrir formenn og helstu starfsmenn ungmennafélaga um allt land (Leiðtogaskóli UMFÍ).
- 3) Boðið verði upp á fræðslu um uppbyggingu og skipulagningu íþrótta- og æskulýðsstarfs. Hér verði lögð áhersla á uppbyggingu íþróttahreyfingarinnar, lögð áhersla á samstarf.
- 4) Stefnt verði að því að byggja upp félagsstarfið með aðstoð foreldra.
- 5) Afreksíþróttamenn verði fengnir til að taka þátt í kynningu á *Fjöri í frjálsum* og almennt á einstökum stöðum. Þessi kynning verði skilgreind sem hluti af útbreiðsluverkefni afreksmanna. Annar kostnaður vegna þessara heimsóknna, s.s. ferðalög og gisting, yrði borinn af viðtöku félagi.

D) SKILGREINING Á AÐSTÖÐU OG Á ÞÖRF Á BÚNAÐI OG ÁHÖLDUM

- 1) Settar verði fram viðmiðanir um aðstöðu í þeim héruðum og svæðum þar sem ekki er til frjálsíþróttaaðstaða. Miðað verði við að hægt verði að byggja upp aðstöðu í áföngum með það í huga að í framtíðinni verði fullkomin aðstaða m. 400 m braut eða æfingaaðstöðu sem nýtist við þjálfun flestra greina og jafnvel keppni í barna- og unglingaflokkum.



- 2) Við gerð viðmiðana verði tekið mið af íbúafjölda svæðisins, umfangi íþróttastarfsins og vilja heimamanna á hverjum stað.
- 3) Mótuð verði heildstað stefna á landsvísu um þörf á uppbyggingu aðstöðu innan- og utanhúss. Miðað er við að aðstaðan verði sniðin að aðstæðum hverju sinni.
- 4) Gert verði frummat á kostnaði við uppbyggingu aðstöðunnar á hverjum stað.
- 5) Metin verði þörf á áhöldum og búnaði á hverjum stað, bæði til notkunar innan og utanhúss.
- 6) Gerð verði áætlun um kostnað vegna aðstöðu og búnaðar. Miðað er við að bjóða hagnýtar og ódýrar lausnir.
- 7) Einnig verði kynnt og boðið upp á upplýsingar um aðstöðu og áhöld, leiðbeiningar um notkun og verð.
- 8) Einnig verði stefnt að því að gera frjálsíþróttir aðgengilegri til æfinga og keppni í sem flestum íþróttahúsum landsins.

FJÖR Í FRJÁLSUM

Unnið verði að því að *Fjör í frjálsum* (FÍF) verði kynnt sem alhliða uppbyggingaríþrótt fyrir börn og unglinga, hvort sem er fyrir frjálsíþróttir eða aðrar íþróttagreinar sem hver og einn kann að hafa hug á síðar.

- 9) Gera þarf *Fjör í frjálsum* hluta af kennsluferni í íþróttum grunnskóla, sem alhliða kerfi til uppbyggingar. Stefna þarf að samvinnu FRÍ, UMFÍ, ÍF og Íþróttaskors KÍ, menntamálaráðuneytisins o.fl. um þennan þátt verkefnisins.
- 10) Keppt verði í *Fjöri í frjálsum* á svæðisbundna- og landsvísu, skv. áætlun fyrir verkefnið.
- 11) *Fjör í frjálsum* verði kynnt í flestum grunnskólum landsins á vegum verkefnisstjórnar, sem aðild eigi FRÍ, UMFÍ og ÍF.
- 12) Fjör í frjálsum verði kynnt meðal allra nemenda við íþróttaskor Kennaraháskóla Íslands.
- 13) Kostnaður, sem verði greiddur af:
 - a) Styrktaraðilum FRÍ, sem greiði kostnað vegna tækja og áhalda.
 - b) Framlagi frá UMFÍ, sem gr. launakostnað leiðbeinanda, að því leyti sem hann er ekki greiddur af öðrum aðilum.
 - c) Öðrum styrkjum, framlög t.d. frá menntamálaráðuneytinu.
 - d) Einstaka grunnskóli/skólanefnd/sveitarfélag greiði f. kostnað vegna dvalar leiðbeinanda á hverjum stað.
- 14) Helstu útgjaldaliðir:
 - a) Launakostnaður leiðbeinanda.
 - b) Ferðakostnaður leiðbeinanda.
 - c) Dvalar- og fæðiskostnaður leiðbeinanda á ferðalögum.
 - d) Endurnýjun áhalda og búnaðar.

Fyrirkomulag keppni í Fjöri í frjálsum

Komið verði á héraðskeppnum milli skóla þar sem keppt verði í aldursflokkum 9-10 ára, 11-12 ára og 13-14 ára. Móttin verði safnmót þar sem allir skólar héraðsins eru boðaðir með jafn stór lið (líkt og á HSK-móttinu). Stigakeppni sé í hverjum aldurshópi. Þar sem margir skólar eru þarf að hafa sérstakt mót fyrir elsta flokkinn. Umsjón þessara móta verði í höndum héraðssambandanna í samvinnu við íþróttabrautir framhaldsskóla svæðisins (til að hafa starfsmenn og þjálfara leiðbeinendur). Einn yfirumsjónarmaður starfiá landsvísu til að ýta undir héraðssambönd með framkvæmdina, kenna starfsmönnum ofl.

Þróa mætti keppni landshluta í flokkum 11-12 ára og 13-14 ára. Landshlutameistarar 13-14 ára mæta síðan í lokakeppni til Rvk / Akureyri. Með virkri heimasíðu er hægt að hafa öll úrslit sýnileg ásamt myndum. Þar verði einnig allar leikreglur og skýringamyndir.

Nú þegar hefur FÍF verið kennt í KHÍ um 3 ára skeið þar sem búnaður er til staðar. Haldin hafa verið námskeið fyrir íþróttakennara og þjálfara félaga FRÍ og ÍF einnig kynnt aðferðin auk forystumanna FRÍ og ÍF. Reynsla er nú komin á HSK svæðinu af því að halda slíkar keppnir og rétt að nýta sér hana.

Sú uppbygging að láta yngsta hópinn 9-10 ára aðeins keppa heima í héraði og næsta hóp 11-12 ára keppa í landshlutamótum er skv. stefnu ÍSÍ í barna- og unglingaíþróttum. Verðlaunaveitingar séu einnig í sama



anda, þar sem um liðakeppni er að ræða og einstaklingarnir ekki krýndir eða hampað umfram aðra í hverju liði.

Íslandsmet verði ekki skráð sérstaklega í hverri grein, en auðvelt að fylgjast með framförum. Ástæða þess að met eru ekki skráð er:

- 1) Brýtur í bága við stefnu um liðakeppni.
- 2) Beinir of mikilli athygli að árangri einstaklinganna með tilheyrandi árangurspressu.
- 3) Mælingar eru oft ekki uppá sentimetra heldur námundað á 25cm sem samræmist ekki hefðbundnum mælingum í frjálsum.
- 4) Hvert mót getur verið haldið með þeim áhöldum sem til eru þó þau standist ekki alþjóðakröfur, aðalatriðið er að allir geti keppt á jafnréttisgrunni á sama mótinu (svipað og tveir knattspyrnuleikir geta verið við mismunandi vallaraðstæður en úrslitin standa eftir sem áður).

Stefna ætti að því að tæki til keppnishalds séu til í hverju sambandi og að einhverju leiti í hverju íþróttahúsi landsins.

Þórarinn Sveinsson sagði að markmið með ályktuninni væri að auka kynningar- og útbreyðslustarfsemi frjálsra íþróttanna í landinu. lögð væri áhersla á Fjör í frjálsum og að fá hæfa þjálfara og leiðtoga í hinum ýmsu dreifðu byggðum landsins.

Umræður um ályktunina:

Vésteinn Hafsteinsson fagnaðir tillögunni en benti á að ekkert sé um hvernig á að endurvekja félög og deildir fjárhagslega.

Gunnlaugur Karlsson sagði að lykillinn að þessu liggi í gegnum þjálfarann og vitnaði til ráðstefnunnar í Prag, til að auka fjölda iðkenda væri árangursríkara að hækka æfingagjöld í stað þess að lækka þau.

Dóra Gunnarsdóttir sagði að eitt atriði hefði alveg gleymst í umræðunni og það væri mikilvægi þess að virkja foreldra til að styðja við bakið á börnum sínum.

Haraldur Magnússon tók undir orð Dóru, og kom með tillögu sem hann beindi til stjórnar FRÍ að félögin á Reykjavíkursvæðinu lánuðu FRÍ þjálfara til að fara út á land og kenna þjálfurum undirstöðuatriði við frjálsar íþróttir því að það væri ekki nóg að fara í gegnum íþróttaskóla. Haraldi fannst að FRÍ gerði alltof lítið að koma fram með tillögur eins og þessa.

Jónas Egilsson sagði að kynningar- og útbreiðslumál væru eitt af stærstu málum sambandsins, erfitt væri að fá þjálfara og foreldra til að starfa með félögunum og kom inn á samstarf við UMFÍ um kynningu á frjálsum.

Snorri Hjaltason sagði að það væri reynsla þeirra í Grafarvogi að blómlegasta starfið væri þar sem foreldrarnir væru virkir og sagði að lokum að menn ættu að hafa í huga „að á eftir foreldrunum koma börnin.“



Hlynur Guðmundsson benti á eitt sem hann hefði gert í Mosfellsbæ, en það var mót sem hann kallaði Klaufar og Snillingar eða foreldrar og iðkendur. Þetta hefði hann gert til að fá foreldra inn í starfið og styðja við bakið á börnunum og nú væri staðan orðin sú að foreldrarnir væru farnir að spyrja um næsta mót.

Þingskjali 11 var vísað til alsherjar- og fjárhagsnefndar.

Það skal tekið fram að tillögur 1.-11. eru lagðar fram af stjórn FRÍ.

Gísli Sigurðsson óskaði eftir að tvær tillögur hans yrðu teknar fyrir á þinginu og leitaði þingforseti eftir samþykki fundarmanna samkvæmt lögum félagsins og var samþykkt samhljóða að taka tillögurnar fyrir.

Þingskjal 12. Breytingar á reglum um félagaskipti.

53. ársþing FRÍ haldið í Grafarvogi 5.-6. apríl 2002 samþykkir:

Að breyta reglum um félagaskipti þannig að ekki verði um greiðslu til þess félags sem gengið er úr að ræða.

Reiknaður verði út raunverulegur kostnaður FRÍ við umsýslu félagaskipta einstaklinga og gjaldið vegna skiptanna ákveðið í samræmi við það.

Gísli Sigurðsson

Greinargerð:

Eitt sem lengi hefur verið kvartað undan í frjálsum en ekki hefur verið tekið á enn eru félagaskiptagjöld FRÍ. Allir sem skipta um félag (jafnvel þó að það sé innan sama héraðssambands) verða að borga 10.000 kr í félagaskiptagjald. Þetta gjald skiptist svo þannig upp síðast þegar ég vissi að 5000 kr renna til FRÍ og 5000 kr til "gamla" félagsins (félagsins sem skipt er úr). Þetta finnst mér fíranlegt og hér eru mín rök:

1. Eins og ég skil lög og reglur um frjáls félagasamtök, er hverjum og einum heimilt að ganga í hvaða félag sem er (sem vill taka við honum) og ganga úr því hvenær sem er. Kvaðir geta náttúrulega fylgt því að vera í félagi en svo lengi sem einstaklingur er skuldlaus við félag sitt á hann að geta gengið úr því. Þess vegna er 5000 kr hlutinn af félagaskiptagjaldi FRÍ sem rennur til gamla félagsins ólöglegur. Einstaklingur sem hefur borgað öll sín félagsgjöld, æfingagjöld, o.þ.h. er ekki hægt að rukka 5000 kr aukalega svo að hann geti gengið úr félagi samkvæmt landslögum um frjáls félagasamtök. Fyrir utan það kveða lög FRÍ á um að ef deilur standi um skuld eintaklings við félag geti félagið ekki krafist meira en sem nemur einum árgjöldum og hjá flestum félögum er það lægra en 5000 kr.
2. Fæstir, ef nokkur, frjálsíþróttamenn hafa skrifað undir samning við sín félög og þegar menn skipta um félag þá fá þeir uppáskrifað frá því félagi að þeir hafa lokið þeirra skyldum þar og séu skuldlausir við félagið. Því er fíranlegt að félagið sem skipt er úr ætti að hagnast á félagaskiptunum eða "sölu" ef menn vilja líta á málið þannig. Ef farið er að tala um sölu á íþróttamönnum eins og gerist í boltagreinum, þá eru flestir frjálsíþróttamenn ekki samningsbundnir sínum félögum og eru því það sem kallast í USA "free agent" og geta samið við hvern þann sem þeir vilja án þess að félagið sem gengið er úr geti gert neinar fjárkröfur í slíkum samningum.



3. FRÍ hefur ekki á neinn hátt milligöngu um þessi félagaskipti (FRÍ heldur einungis skrá yfir hver er í hvaða félagi) og getur því ekki tekið sér nein “umboðslaun” fyrir félagaskipti önnur en raunverulegan umsýslukostnað sem hlýst af félagaskiptum. Þetta er ekki neitt annað en hreinn og klár skattur sem FRÍ leggur á þá sem vilja skipta um félag og að mínu viti samræmist ekki landslögum um félagafrelsi. Slíkur skattur samræmist heldur ekki skattalögum; enginn getur lagt skatt á tekjur annarra nema íslenska ríkið (og sumum sviður það). Frjálsíþróttamenn borga félagsgjöld til sinna félaga héraðssambanda og ÍSÍ fær hluta af þeim peningum (og kannski FRÍ frá þeim, ég veit það ekki) og því hafa frjálsíþróttamenn fullnægt sínum skattskyldum við hreyfinguna.
4. FRÍ veitir af sjálfsögðu þjónustu og ber kostnað af félagaskiptunum og fyrir slíkt ber að greiða. Hins vegar verður sú þjónusta og kostnaður að vera verðlögð af einhverju viti en ekki bara slumpa 5000 kr á hana. Kostnaðurinn vegna félagaskipta er einhver pappírskostnaður þegar menn faxa inn félagaskiptablöðin, einhver símakostnaður, og um 3 mín vinna fyrir hvern einstakling sem skiptir um félag (það þarf að breyta félagi hans í tölvunni). Blaðið kostar um 5 kr og símakostnaðurinn er sennilega ekki meira en 50 kr. Ég veit ekki nákvæmlega hvað starfsmenn skrifstofu FRÍ hafa á tímann en varla er það yfir 2000 kr svo að 3 mín vinna er 100 kr svo að kostnaðurinn við félagaskiptin er um 155 kr. Þá er ótalin þjónustan sem FRÍ veitir en hún er að halda utan um félagskrá frjálsíþróttamanna. Erfitt er að gera sér grein fyrir hvernig á að verðleggja slíka þjónustu á þessum síðustu og verstu tímum þar sem allir eru að gefa út sérfræðireikninga og fá svimandi laun fyrir fundarsetu, en ég myndi áætla að um 1000 kr á einstakling væri sanngjarnt gjald fyrir þessa þjónustu (og spurning hvort sú þjónusta ætti ekki að vera innifalín í þeim skatti sem við þegar borgum til ÍSÍ). Þannig að mér reiknast til að kostnaður og þjónusta vegna félagaskipta sé undir 1500 kr og langt undir þeim 5000 kr sem teknar eru fyrir það í dag.
5. FRÍ verður að gera sér grein fyrir að þeir eru með einokunaraðstöðu á markaðnum. Enginn annar hefur leyfi eða getur tekið að sér að veita þá þjónustu að halda utan um félagskrá frjálsíþróttamanna og því er ekkert sem hindrar það að FRÍ fari ekki að rukka 100.000 kr eða jafnvel 1.000.000 kr fyrir félagaskipti Þrátt fyrir að slíkar tölur séu fátallegar þá er líka fátallegt að rukka 5000 kr fyrir félagaskiptagjöld og ef FRÍ væri að selja sína þjónustu á frjálsum markaði þá myndu menn ekki skipta við þá, því almannarómurinn innan frjálsíþróttahreyfingunnar er sá að þetta sé allt of hátt verð og mun hærra en það sem menn eru tilbúnir til að borga fyrir þessa þjónustu
6. Mér var sagt af einum stjórnarmanna FRÍ að 10.000 kr félagaskiptagjald væri rukkað til þess að afla peninga fyrir sambandið (hvort sem það var sagt í gríni eð ekki) og mér finnst það rangt. Ég gæti skilið slíka öflun ef hundruðir manna skiptu um félag á hverju ári eða ef menn mættu skipta oft á ári en þeir 20 eða svo á ári sem skipta afla ekki nema 100.000 kr (20 x 5000) fyrir FRÍ. Mér finnst vera hægt að rukka félagsgjöld fyrir að vera í FRÍ (þó það sé sennilega ólöglegt samkvæmt landslögum því ÍSÍ fær þegar félagsgjöld fyrir frjálsíþróttamenn) en mér finnst ekki hægt að reyna afla fjár fyrir sambandið með því að rukka þá fáeinu einstaklinga sem vilja reyna að skipta um félag og þar með komast í betri aðstöðu, félgasskap, o.p.h. Engin okkar sem eru í frjálsum eru að fá nokkurn pening fyrir það. Flestar deildir eru reknar á núlli eða með tapi og því finnst mér hart að fara að leggjast á frjálsíþróttamenn þegar tilgangur þeirra með félagaskiptum er að reyna að verða betri frjálsíþróttamenn sem er gott fyrir FRÍ því þannig eignumst við betra landslið.
7. Það hefur heyrst að félögin eigi að borga þetta gjald. Það er líka rangt því að þá lítur út fyrir eins og að félögin séu að kaupa leikmenn sem gengur ekki í áhugamannaþrótt. Fyrir utan það hafa félögin ekki bolmagn til að borga 10.000 kr fyrir hvern sem vill skipta. Þannig væri hæglega hægt að setja félög/frjálsíþróttadeildir á hausinn, t.d. ef 150 manns úr ÍR ákvæðu að ganga í FH þá myndi það kosta FH 1.500.000. Skattur sem FRÍ setur á félagaskipti er óréttmætur og ólöglegur hver sem þarf að borga hann. Þessi skattur verður bara til þess að menn verða bundnir átthagafjötrum líkt og í gömlu



bændasamfélagunum og hætta að stunda íþróttina eða ná ekki jafn góðum árangri og ella. FRÍ hagnast ekki á því að frjálsíþróttamenn nái að verða eins góðir og þeir mögulega geta. Hömlur á því af þessum toga eru óeðlilegar

Ég hef hér talið upp þá annmarka sem ég sé á því 10.000 kr félagaskiptagjaldi sem FRÍ rukkar. Ég greiddi þessi gjöld við síðustu félagaskipti mín, en mótmælti því og ég vonast til að félagar mínir í Tindastóli/UMSS, fyrrverandi félagar mínir í HSK og HSP, eða aðrir félagar mínir innan frjálsíþróttahreyfingarinnar taki þetta mál upp á arma sína á Ársþingi FRÍ núna um helgina. Ég er staddur í Bandaríkjunum NA og er því ekki viðstaddur, en skora á aðra að taka málið upp og fá þetta óréttlæti og ólögmetu skattheimtu leiðrétt. Þetta mál skiptir öll félög og alla frjálsíþróttahreyfinguna máli. SAMSTAÐA.

Sigurbjörn Árni Arngrímsson

Þingskjal 13. Niðurgreiðsla á ferðakostnaði sambandsaðila vegna keppnisferða.

53. ársþing FRÍ haldið í Grafarvogi 5.-6. apríl 2002 samþykkir:

Niðurgreiðslu á ferðakostnaði sambandsaðila vegna keppnisferða samkvæmt eftirfarandi: 15% af skráningargjöldum á mótum FRÍ fari í sérstakan jöfnunarsjóð vegna ferðakostnaðar til að JAFNA FERÐAKOSTNAÐ SAMBANDSAÐILA. Stjórn FRÍ verði falið að setja nánari reglur um útfærslu og kynna sambandsaðilum fyrir 1. júní 2002

Greinargerð:

Vegna ákvörðunar á ferðakostnaði verði farin sú leið að reikna samanlagða km. fjölda sem farnir eru í **keppnisferðir** í öllum flokkum hjá hverjum sambandsaðila á hverju ári. Miðað skal við að ferð hefjist við mörk viðk. sambandssvæðis.

Fjöldi keppenda í hverri ferð er gefinn upp af mótshaldara hverju sinni (kemur fram í skráningu móta og úrslitum).

Fundinn verði út meðalkeppnisfjöldi í öllum ferðum og samanlagður kílómetrafjöldi fyrir hvern sambandsaðila.

Síðan er meðalkeppnisfjöldi margfaldaður með samanlögðum km-fjölda sem áður getur og þannig fenginn ákveðinn stuðull fyrir hvern sambandsaðila til dreifingar í þá upphæð sem er til ráðstöfunar hverju sinni.

Hægt er að ákveða aðra tilhögun og taka einungis tillit til keppnisferða í t.d. flokkum 15 ára og eldri t.d. – ef sterkari rök eru fyrir því.

Katrín Atladóttir talaði fyrir tillögum Gísla og sagði að markmiðið væri að jafna ferðakostnað sambandsaðila og að oft virtist sem lengra væri út á land en til baka.

Hvað varðaði tillöguna um félagaskipti vísaði hún í sjö liði í greinargerð sem fylgdu tillögunni.

Umræður um tillöguna:

Sigurður Haraldsson sagðist vera á móti jöfnunarsjóðstillögunni og spurði hvernig ætti að úthluta miðað við staðsetningu íþróttamanna og að tekjumöguleikar mótshaldara



minnkuðu. Varðandi seinni tillöguna varðandi félagaskiptin sagði hann að hluti gjaldsins sem fer til félags sem maðurinn gengur úr væri hugsað sem gjald fyrir uppeldisþáttinn.

Haraldur Magnússon sagðist ekki vera samála tillögum Gísla og skoraði á hann að draga þær til baka.

Magnús Jakobsson kom með fyrirspurn til stjórnar FRÍ hvort að þessi hluti sem félögin ættu að fá hefði skilað sér til félaganna?

Gunnlaugur Karlsson sagði svo vera og að það ætti að gerast sjálfkrafa við félagaskiptin.

Þingskjal 12. var vísað til fjárhags- og laganefndar

Þingskjal 13. var vísað til fjárhagsnefndar

Nefndarstörf hófust kl 22:20

Laugardagurinn 6. apríl.

Afgreiðsla mála hófst kl. 10:35

12. Umræður og afgreiðsla mál úr nefndum

Álit laganefndar:

Sigurður Haraldsson formaður nefndarinnar talaði fyrir álitni hennar.

Þingskjal 2. Nefndin leggur til að tillagan verði samþykkt með einni bókun sem varðar 6. lið 7. greinar og er eftirfarandi:

Umræða var um 6. lið þessar greinar og voru nefndarmenn efnislega sammála um að ef reglur koma frá ÍSÍ um bann á lið vegna lyfjamála. Umræðan var á þá leið að ef einstaklingur fellur á lyfjaprófi, þá missir félagið þau stig og jafnframt í boðhlaupi ef hann hefur keppt þar, aðrir keppendur færast upp um sæti. Í víðavangshlaupi er einstaklingurinn úr leik og aðrir færast upp um sæti.

Þingskjal .3. Nefndin leggur til að tillagan verði samþykkt með einni athugasend sem bætt hefur verið inn í tillöguna:

Einnig þarf að skoða aldursákvæði vegna Bikarkeppni 16 ára og yngri.

Þingskjal .7. Nefndin leggur til að tillagan verði samþykkt með eftirfarandi breytingum á 3. grein:

3. gr.

Til að árangur á sérmóti fáiast viðurkenndur skal væntanlegur mótshaldari sækja um til FRÍ með að minnsta kosti 5 daga fyrirvara um leyfi fyrir mótahaldi.

Sérmót er mót sem ekki er auglýst í mótaskrá og ekki er innheimt skráningargjald. Á sérmóti skal minnst keppt í tveimur keppnisgreinum og skulu a.m.k. þrjú keppendur hefja keppni í hverri grein. Hámarksfjöldi keppnisgreina á sérmóti er átta greinar.



Eigi er sambandaðila heimilt að halda fleiri en eitt sérmót á dag.
Um auka- eða viðbótagreinar á mót skv. 1. gr. gilda ákv. og í 1. mgr. þessarar gr.
Að öðru leyti gilda ákv. þessarar reglugerðar.

Þingskjal 8. Nefndin leggur til að tillagan verði samþykkt óbreytt.

Þingskjal 12. Nefndin klofnaði og þrír vildu hafa óbreytt ástand en einn vildi að tillaga Gísla yrði samþykkt.

Umræður um álit laganevndar urðu engar.

Atkvæðagreiðsla um tillögur sem vísað var til laganevndar

Þingskjal 2. Þingforseti bar upp allar greinar tillögunar til samþykktar og voru þar samþykktar samhljóða og að lokum bar hann upp allar tillögur að lagabreytingum sem heild og var hún samþykkt samhljóða.

Þá gerði þingforseti hlé á afgreiðslu mála og bauð Þórólf Þórlindsson prófessor við Háskóla Íslands velkominn með erindi sitt Umhverfi afreksíþróttar.
Eftir að Þórólfur hafði flutt erindi sitt tóku margir þátt í líflegum umræðum og þökkuðu allir honum fyrir gott og fræðandi erindi. Að lokum þakkaði Þórólfur fyrir sig og honum þakkað til baka með lófataki.

Þingskjal 3. Þingforseti bar upp tillöguna með viðbót nefndarinnar. Tillagan samþykkt með þorra atkvæða gegn einu.

Þingskjal 7. Þingforseti bar upp tillöguna með breytingum nefndarinnar á 3. grein. Tillagan var samþykkt samhljóða.

Þingskjal 8. Þingforseti bar upp tillöguna óbreytta. Tillagan var samþykkt samhljóða.

Þingskjal 12. Þingforseti frestaði afgreiðslu þar sem tillögunni var einnig vísað til fjárhagsnefndar.

Eftir afgreiðslu mála frá laganevnd kynnti Snorri Hjaltason nýja íþróttamiðstöð í Grafarvogi sem tekin verður í notkun að hluta síðar í mánuðinum.

Álit fjárhagsnefndar:

Felix Sigurðsson og Gunnlaugur Karlsson töluðu fyrir álit nefndarinnar.

Þingskjal 1. Gunnlaugur sagði að tillagan væri lögð fram óbreytt en nefndin hefði gert eina bókun sem hljóðar svo:

Fjárhagsnefnd beinir þeim tilmælum til stjórnar að leita leiða til þess að lækka skuldir sambandsins.

Þingskjal 11. Felix talaði fyrir tillögunni og sagði að stjórnin hefði gert tvær viðbætur við tillöguna.



Eftir fyrstu málsgrein bætist við setningin: **Einnig skal leita samráðs við stjórnvöld og sveitastjórnir í hverjum landshluta** og í lok ályktunninnar bætist við setningin **Stjórn FRÍ er falið að tryggja verkefninu fjárhagslegan grundvöll og hrinda því í framkvæmd.**

Þingskjal 12. Felix talaði fyrir tillögunni og sagði að niðurstaða nefndarinnar væri sú að leggja til við þingið að tillagan yrði felld:

Við leggjum til að tillagan verði felld. Nefndin telur að upphæðin sé hóflegt þjónustugjald vegna vinnu félaga og FRÍ sem hlýst af félagaskiptum.

Þingskjal 13. Felix talaði fyrir tillögunni og sagði að niðurstaða nefndarinnar væri sú að leggja til við þingið að tillagan verði felld og málinu vísað til stjórnar FRÍ:

Markmiðið mætti skilningi í nefndinni en útfærslan andstöðu og þess vegna leggur nefndin til að tillagan verði felld en leggur jafnframt til að stjórn FRÍ kanni hvort hægt sé að útvega fjármagn til þess að jafna ferðakostnað sambandsaðila.

Engar umræður voru um álit fjárhagsnefndar.

Atkvæðagreiðsla um tillögur sem vísað var til fjárhagsnefndar

Þingskjal 1. Þingforseti bar upp tillöguna að viðbættri bókun nefndarinnar. Tillagan samþykkt samhljóða.

Þingskjal 11. Þingforseti frestaði afgreiðslu þar sem tillögunni var einnig vísað til alsherjanefndar.

Þingskjal 12. Þingforseti bar upp tillögu fjárhagsnefndar um að tillagan yrði felld, en málinu var einnig vísað til laganefndar þar sem nefndin var ekki sammála en meirihluti nefndarinnar vildi óbreytt ástand. Tillagan samþykkt með 14 atkvæðum gegn 2.

Þingskjal 13. Þingforseti bar upp tillögu nefndarinnar um að tillagan yrði felld og málinu vísað til stjórnar FRÍ. Jónas Egilsson tók til máls og lagði til að málinu yrði vísað til stjórnar FRÍ. Tillagan samþykkt samhljóða.

Álit alsherjarnefndar:

Stefán Halldórsson formaður nefndarinnar gerði grein fyrir áliti nefndarinnar.

Þingskjal No. 4. Stefán lagði fram nýja tillögu að mótaskrá fyrir árið 2002 þar sem bætt hefði verið inn mótum sambandsaðila og gerðar breytingar á meistaramótum, sjá breytta tillögu.



Mótaskrá FRÍ árið 2002

Dags.	Mót.	Staður:	Land
19.jan.	Héraðsmót HSK, fullorðina	Laugarvatn	ISL
25-26.jan.	MÍ í fjölþrautum (Fjölnir)	Reykjavík	ISL
26.jan.-02	Íþróttahátíð UMBS	Borgarnesi	ISL
02.feb.	Unglingamót HSK 15-18 ára	Hvolsvöllur	ISL
09-10.feb.	Meistaramót Íslands (FH)	Hafnarfj./Reykjavík	ISL
16.feb.	Héraðsm. b. og ungl.HSP	Húsavík	ISL
17.feb.	Aldursfl.mót HSK 12-14 ára	Selfoss	ISL
23-24.feb.	MÍ 15-22 ára (ÍR)	Reykjavík	ISL
01-03.mars	EM innanhúss	Vín	AUT
02-03.mars	MÍ 12-14 ára (Á)	Reykjavík	ISL
09-10.mars	Stórmót ÍR	Reykjavík	ISL
09-10.mars	Vetrarkastmót EAA	Pula	CRO
16-17.mars	MÍ öldunga (Breiðabl.)	Kópav./Reykjavík	ISL
23-24.mars	HM í víðavangshlaupum	Dublin	IRL
24. mars	Héraðsl. HSK 11 ára og y.	Þorlákshöfn	ISL
6.apríl	Héraðsmót UMBS	Borgarnes	ISL
13. apríl	Héraðsm. fullorðinna HSP	Laugar	ISL
13-16.maí	Grunnskólamót Reykjav.	Reykjavík	ISL
15.maí	Vormót UÍA	Egilsstaðir	ISL
17. maí	Vormót UMBS	Borgarnes	ISL
18. maí	Vormót FH	Hafnarfjörður	ISL
18. maí	Nordic 10 k	Espoo	FIN
23. maí	Vormót ÍR	Reykjavík	ISL
25.maí	Vormót UFA	Akureyri	ISL
25 maí	Coke mótaröð FH	Hafnarfjörður	ISL
01-02.jún.	MÍ fyrri hluti (Fjölnir)	Reykjavík	ISL
06. jún.	Vormót HSK	Laugarvatn	ISL
08.jún.	Unglingamót Breiðabliks og Klæðningar, 16 ára og yngri.	Kópavogur	ISL
08.jún.	Kappamót öldunga	Vestmannaeyjar	ISL
08-09. jún.	Héraðsmót UMSS	Sauðárkrókur	ISL
09.jún.	J.J. mót Ármanns	Reykjavík	ISL
13.jún.	Boðhlaup ÍR	Reykjavík	ISL
15.jún.	Coke mótaröð FH	Hafnarfjörður	ISL
18.jún.	Miðnæturmót ÍR	Reykjavík	ISL
22-23.jún.	Evrópubikarkeppni, 2.deild.	Tallin	EST
25-26.jún.	Héraðsmót UMBS	Borgarnes	ISL
25-26.jún.	Héraðsmót HSK	Laugarvatn	ISL
27.jún.	Kópavogssprettur 1	Kópavogur	ISL
28.jún.	Gullmót IAAF	Osló	NOR
29.jún.	Coke mótaröð FH	Hafnarfjörður	ISL
29-30.jún.	Evrópubikarkeppni í fjölþr.	Maribor	SLO
28-30.jún.	Goggi galvaski	Mosfellsbær	ISL
04.júlí	Kvöldmót FH	Hafnarfjörður	ISL
05.júlí	Gullmót IAAF	París	FRA
06-07.júlí	MÍ aðalhluti (Breiðabl.)	Kópavogur	ISL



07.júlí	EM í fjallahlaupi	Madeira	POR
12.júlí	Coke mótaroð FH	Hafnarfjörður	ISL
12.júlí	Gullmót IAAF	Róm	ITA
13-14.júlí	Sumarhátíð UÍA	Egilsstaðir	ISL
13-14.júlí	Sumarhátíð HSK	Hella	ISL
16-21.júlí	Heimsmeistaramót ungl.	Kingston	JAM
18.júlí	Kópavogssprettur 2	Kópavogur	ISL
19.júlí	Gullmót IAAF	Monakó	MON
19-20.júlí	Bikarkeppni FRÍ	Reykjavík	ISL
27-28.júlí	NM í U23 í fjölþrautum	Óákv.	DEN
02-04.ág.	Unglingalandsmót UMFÍ	Stykkishólmur	ISL
06-11.ág.	Evrópumeistaramót	Munchen	GER
08.ág.	Kópavogssprettur 3	Kópavogur	ISL
10-11.ág.	NM U21	Eskilstuna	SWE
10-11.ág.	Mí Öldunga (UÍA)	Egilsstaðir	ISL
15-26.ág.	EM Öldunga	Potsdam	GER
16.ág.	Gullmót IAAF	Zurich	SWZ
23.ág.	Coke mótaroð FH	Hafnarfjörður	ISL
24-25.ág.	Mí 12-14 ára (UMSE / UFA)	Eyjafirði	ISL
24-25.ág.	Mí 15-22 ára (UMSB)	Borgarnes	ISL
24-25.ág.	Akureyramót UFA	Akureyri	ISL
24-25.ág.	Héraðsmót fullorðinna HSP	Laugar	ISL
29.ág.	Kópavogssprettur 4	Kópavogur	ISL
30.ág.	Gullmót IAAF	Brussel	BEL
31.ág.	Haustmót UÍA	Egilsstaðir	ISL
31.ág.-01	Bikarkeppni FRÍ í fjölþr. (HSK)	Laugarvatn	ISL
04.sept.	Boðhlaupsmót Breiðabliks	Kópavogur	ISL
06.sept.	Gullmót IAAF	Berlín	GER
07.sept.	Bikarkeppni FRÍ 16 ára (FH)	Hafnarfjörður	ISL
14.sept.	IAAF Grand Prix Final	París	FRA
05.okt.	Víðavangshlaup Íslands (Á)	Reykjavík	ISL
12.okt.	Kastþraut FH – öldungar	Hafnarfjörður	ISL
03.nóv.	NM í Víðavangshlaupi	Modum	NOR
17.nóv.	Stökk- og kastmót UFA	Akureyri	ISL
07.des.	Vígslumót UFA	Akureyri	ISL
08.des.	EM í víðavangshlaupum	Medulin	CRO

Þingskjal 5 og 6 . Nefndin leggur til að tillagan verði samþykkt með áorðnum breytingum:



Drög að mótaskrá FRÍ 2003

Dags.	Mót.	Staður:	Mótsh.
01-02.feb.	MÍ í fjölþrautum	Reykjavík,	Ármann
08-09.feb.	Meistaramót Íslands	Kópavogur,	Breiðabl.
15.feb.	European Indoor Cup	Óstaðsett	
22-23.feb.	MÍ 15-22 ára.	Reykjavík,	Fjölínir
02-03.mars	Vetrarkastmót Evrópu	Óstaðsett	
08-09.mars	Meistaramót Íslands 12-14 ára	Reykjavík,	ÍR
14-16.mars	HM innanhúss	Birmingham	GBR
15-16.mars	MÍ Öldunga	Hafnarfjörður,	FH
02-07.júní	Smáþjóðaleikar	Malta,	MLT
14-15.jún.	MÍ fyrri hluti	Laugarvatn,	HSK
21-22.jún.	Evrópubíkarkeppni landsliða	Óstaðsett	
05-06.júlí	Evrópubíkarkeppni í fjölþrautum	Óstaðsett	
10-13.júlí	HM unglíngi U18	Sherbrooke,	CAN
12-13.júlí	Meistaramót Íslands	Borgarnes	UMSB
17-20.júlí	EM U23	Óstaðsett	
24-27.júlí	EM U20	Tampere	FIN
24-27.júlí	Ólympíudagar æskunnar (EYOD)	Óstaðsett	
08-09.ág.	Bíkarkeppni FRÍ	Óstaðsett	
Ótímasett.	MÍ Öldunga	Reykjavík	Ármann
23-24. ág.	MÍ 12-14 ára	Egilsstaðir	UÍA
23-24. ág.	MÍ 15-22 ára	Reykjavík,	Fjölínir
23-31.ág.	HM	París	FRA
30-31.ág.	Bíkarkeppni FRÍ í fjölþrautum	Reykjavík	ÍR
06. sept.	Bíkarkeppni FRÍ 16 ára og y.	Kópavogur	Breiðabl.
04.okt.	Víðavangshlaup Ísl.	Eyjafjörður	UMSE/UFA



Áætlun um mótahald fyrir tímabilið 2000 til 2006

Hér fyrir neðan eru tillögur um skipulagt mótahald næstu árin. Það hafa verið gerðar breytingar síðan á þinginu 1998, þar má telja að mótum hefur verið fjölgað í töflunni og skipulagið yfirfarið. Áætlun þessi var kynnt á fundi í nóv. sl. með sambandsaðilum og er óbreytt frá þeim fundi. Miðað er við að áætlunin sé bindandi fyrir árin 2002 og 2003, en til viðmiðunar næstu ár á eftir. Lagt er til að UMSS komi inn í mótshaldarahópinn frá og með árinu 2005 og áætlunin verði endurskoðuð með tilliti til þess fyrir árin 2005 og 2006, þegar nær dregur.

A. Meistaramót Íslands, innanhúss tímabilið 2000-2006*

MÓT	2000	2001	2002	2003	2004	2005	2006
Mí aðalhluti	Ármann	ÍR	Fjöltnir	UBK	FH	Ármann	ÍR
Mí 15 - 22 ára	FH	Ármann	ÍR	Fjöltnir	UBK	FH	Ármann
Mí 12 - 14 ára	UBK	FH	Ármann	ÍR	Fjöltnir	UBK	FH
Mí fjölþraut	ÍR	UBK	FH	Ármann	ÍR	Fjöltnir	UBK
Mí öldunga		Fjöltnir	UBK	FH	Ármann	ÍR	Fjöltnir

B. Meistaramót Íslands, utanhúss tímabilið 2000-2006

MÓT	2000	2001	2002	2003	2004	2005	2006
Mí aðalhluti	ÍR	FH	UBK	UMSB	Fjöltnir	HSK	Ármann
Bikarkeppni 16 o. y. Fjöltnir	HSK	ÍR	FH	UBK		UMSB	Fjöltnir
HVÍLD	UFA+Ey	UÍA	ÍR	FH		UBK	UMSB
Bikarkeppni þraut	Ármann	UFA+Ey	HSK	ÍR	FH	UBK	UMSB
Mí 12-14 ára	HSK	Ármann	UFA+Ey	UÍA	ÍR	FH	UBK
Víðavangshl.Ísl	Fjöltnir	HSK	Ármann	UFA+Ey	UÍA	ÍR	FH
Mí öldunga	FH	Fjöltnir	UÍA	Ármann	UFA+Ey	UÍA	ÍR
Mí fyrri hluti		UMSB	Fjöltnir	HSK	Ármann	UFA+Ey	UÍA
Mí 15-22 ára	UMFA UFA+Eyf.	UBK	UMSB	Fjöltnir	HSK	Ármann	

*Þessi áætlun gæti tekið breytingum með hliðsjón af aðstöðumálum, en nú er í byggingu aðstaða í Kópavogi og skv. áætlunum getur frjálsíþróttahús í Laugardal verið komið í notkun haustið 2003 og fullgildur keppnisvöllur á Sauðárkróki sumarið 2004.

Þingskjal 9 og 10 Nefndin leggur til að tillögurnar verði samþykktar óbreyttar.

Þingskjal 11. Nefndin leggur til að tillagan verði samþykkt með áorðnum breytingum. Önnur setning ályktunarinnar hljóði svo: Áætlun **ásamt fjármögnun** skal unnin í samráði við önnur samtök, eftir því sem við á hverju sinni, t.d. UMFÍ, ÍKÍ og önnur sérsambönd.

Umræður um álit alsherjarnefndar:



Sigurður Haraldsson tók til máls um þingskjal 4 og lagði til að Bikarkeppni FRÍ yrði haldin 16.-17. ágúst eins og í upphaflegu tillögunni. Hann gerði einnig athugasemdir við niðurröðun móta á þingskjali 5, taldi MÍ vera of nálægt Evrópukeppni landsliða.

Rósa Marinósdóttir taldi MÍ unglingsflokkum vera of seint sbr. þingskjal 4, þar sem skólastarf væri almennt hafið.

Böðvar Sigurjónsson ræddi um skyldur landsliðsfólks til mætingar á MÍ. Bað stjórn FRÍ að skýra þetta nánar.

Haraldur Magnússon taldi ekki ástæðu til að færa MÍ vegna Reykjavíkumaraþons sbr. þingskjal 4.

Magnús Jakobsson ræddi um þingskjal 11 og taldi að hlutur ÍSÍ mætti þar vera meiri.

Jónas Egilsson áréttaði að FRÍ væri hluti af ÍSÍ, því væri ljóst að samstarfs yrði leitað við þá.

Þórarinn Sveinsson ræddi um álit alsherjarnefndar og lagði áherslu á að erfitt væri að koma saman mótaskrá sem allir væru sáttir við. Fagnaði ályktun um aukna áherslu á almenningsíþróttir.

Veronika Sigurvinsdóttir fannst alltof miklar breytingar á þingskjali 4, þær væru of seint á ferðinni og myndu riðla undirbúningi íþróttafólks og félaga.

Stefán Halldórsaron ræddi um mótaskrá og sagðist ekki hafa séð reglur um forgangsröðun móta, það þyrfti eftirvill að skilgreina þær. Taldi ófært að bikarkeppnin og Reykjavíkumaraþon yrðu haldin á sama degi.

Jónas Egilsson ræddi um mótaskrá, ávallt þyrfti að sníða hana að dagsetningum móta erlendis. Svaraði fyrirspurn Böðvars og upplýsti að reglur um mætingu besta íþróttafólksins á MÍ væru ekki ófrávikjanleg. FRÍ gæti ekki sett íþróttafólkinu stólinn fyrir dyrnar, þó mikilvægt væri að bestu íþróttamennirnir sæjust sem oftast í keppni hér á landi.

Magnús Jakobsson ræddi um Reykjavíkumaraþon og áréttaði að dagsetningar þess væru ákveðnar nokkur ár fram í tímann.

Atkvæðagreiðsla um tillögur sem vísað var til alsherjarnefndar

Þingskjal 4. Þingforseti bar upp tillögu alsherjarnefndar til samþykktar. Tillagan var felld með 9 atkvæðum gegn 8. Því næst bar þingforseti upp tillögu stjórnar til samþykktar. Tillagan var samþykkt með 9 atkvæðum gegn 3.

Þingskjal 5. Þingforseti bar upp tillögu alsherjarnefndar til samþykktar. Tillagan var samþykkt með 7 atkvæðum gegn 1.



Þingskjal 6. Þingforseti bar upp tillögu alsherjanevndar til samþykktar. Tillagan var samþykkt samhljóða.

Þingskjal 9. Þingforseti bar upp tillöguna til samþykktar. Tillagan var samþykkt samhljóða.

Þingskjal 10. Þingforseti bar upp tillöguna til samþykktar. Tillagan var samþykkt samhljóða.

Þingskjal 11. Þingforseti bar upp tillögu alsherjanevndar og fjárhagsnevndar til samþykktar. Tillagan var samþykkt samhljóða.

Snorri Hjaltason kynnti byggingasögu og tilurð nýs íþróttahúss sem reist hefur verið í Grafarvogi. Í þessu húsi verður m.a. keppnis- og æfingaraðstaða samtals um 1600 m² svæði sem verður lagt gerfiefni.

13. Kosningar

- a) Tillaga um formann: Jónas Egilsson. Samþykkt samhljóða
- b) Tillaga um aðra stjórnarmenn: Þórólfur Þórlindsson, Sigurður Pétur Sigmundsson, Gunnlaugur Karlsson og Hreinn Jónasson. Samþykkt samhljóða.
- c) Tillaga um varamenn: Þórarinn Sveinsson, Dóra Gunnarsdóttir, Sigurður Haraldsson og Jón Þ. Heiðarsson. Samþykkt samhljóða.
- d) Tillaga um skoðunarmenn reikninga: Sigurður T. Sigurðsson og Einar Kr. Jónsson. Samþykkt Samhljóða.
- e) Tillaga um varamenn skoðunarmanna reikninga: Stefán Halldórsson og Engilbert Olgeirsson. Samþykkt samhljóða.
- f) Tillaga um fulltrúa á íþróttabingi: Katrín Sveinsdóttir, Kári Jónsson, Sigurður Haraldsson, Stefán Halldórsson og Þórður Guðmundsson. Samþykkt samhljóða.
- g) Tillaga um varafulltrúa á íþróttabing: Þráinn Hafsteinsson, Magnús Jakobsson og Eggert Bogason. Samþykkt samhljóða.

14. Önnur mál.

Dóra Gunnarsdóttir lagði til aukið samstarf við KSÍ t.d. um keppni í 800 m. hl. í hálfleik í knattspyrnuleikjum.

Sigurður Haraldsson þakkaði fyrir gott þing og sagðist hafa miklar væntingar til hins nýja íþróttahúss í Grafarvogi. Sú aðstaða væri mikilvæg fyrir frjálsíþróttir.



Hreinn Halldórsson ræddi um mikilvægi þess að hafa sjálftraust og metnað í leik og starfi. Lauk lofsorði á bættu aðstöðu í Grafarvogi og vakti jafnframt athygli á góðri æfinga- og keppnisaðstöðu á Egilsstöðum, og að þangað væru allir velkomnir.

Vésteinn Hafsteinsson sagði frá ásigkomulagi okkar besta frjálsíþróttafólks. Stefnan væri að 6-8 keppendur tækju þátt í EM í München. Hann sagðist bjartsýnn á góðan árangur og árétttaði mikilvægi góðs samstarfs við fjölmiðla. Lagði jafnframt áherslu á stöðu og umhverfi þjálfarans, hann væri sbr. könnunum mikilvægasti hlekkurinn í uppbyggingu hvers íþróttamanns.

Magnús Stefánsson ræddi um mikilvægi kynningar- og útbreiðslustarfs. Hann fagnaði samþykkt þingsins um markvissa stefnu í þessum málum.

Hörður Sverrisson þakkaði fyrir hönd Fjölnismanna þingfulltríum fyrir ánægjulegt þing og afhenti formanni FRÍ blómvönd með ósk um gott samstarf.

Jónas Egilsson þakkaði þingfulltríum fyrir gott starf, en sagðist þó hafa vonast eftir betri mætingu. Nýkjörin stjórn myndi kanna hvaða tímasetning væri heppilegust fyrir þingið. Jónas þakkaði veitt traust, þakkaði fráfarandi stjórnarmönnum fyrir góð störf og bauð nýja stjórnarmenn velkomna til starfa. Þá þakkaði hann Fjölnismönnum fyrir góða umgjörð þingsins og að því loknu sleit hann þinginu.

Þingritarar

Hreinn Ólafsson

Sigurður Pétur Sigmundsson